

UPFA, LIMUWA, ITA YA NGA IPFI LA MUDZIMU

 Zwino, idzi theiphi, iyo ya uyu muṭangano matsheloni ano, a i rengiswi, i tou vha ya Tshivhidzo kana muñwe muthu, ngauri i malugana na Pfunzo. Huno kha miṭangano ya ngei nnda, zwi vhanga ndado, ngauri zwi a konda tshothe uri vhuvhili hashu ri andane lwo fhelelaho, fhedzi ri tea u ralo dzimbiłuni, naho zwo ralo. Fhedzi dzone, riñe ngomu thaberenakeleni hafha, idzi theiphi, ni a dzhieila nzhéle kha... Dzi tou vha dza dzikhonani, na vhañwe-vho.

² Zwino kha ri kotamise zwifhañuwo zwashu u itela thabelo. Naa ndi vhanganana vha no do ḥoda u humbuliwa musi no kotamisa zwifhañuwo zwañu? Nga tshanda tsho imiswaho fhedzi, ni tshi ri, "Murena, nñe—nñe ndi na ḥodea ɬamusí, huno ndi ḥoda tshilidzi Tshau," tshire tsha vha tshatsho.

³ Khotsi ashu wa Ṭađulu, zwino ri sendela kha Khuluñoni Yau ya khathutshelo, ngauri ro humbelwa u ita izwi. Huno ro vhudzwa nga Murwa Wau, na Mutshidzi washu, zwauri arali ri tshi do U humbelu tshinwe na tshinwe nga Dzina Ḷawe, tshi do tendelwa. Ngauralo-ha, Murena, ri tshi zwi ñivha zwauri ri khou tshila mirunzini ya U Da Hawe, huno zwino ro ima mirunzini ya khathutshelo Yawe, zwenezwo ri do humbelu, Murena, zwauri U do nanga, nga Muya Mukhethwa, izwo zwithu zwine ra tea u zwi humbelu. Huno ri a pfa matsheloni aya, zwauri a zwi nga vhi zwo fhambanaho na Ipfi Ḷau kana na u luga Hau huhulwane, na khathutshelo Yau na tshilidzi, zwauri arali ra tea u humbelu zwauri ri do vha na u dalelwa ha tshipentshela ɬamusí hu bvaho kha Muya Mukhethwa. Uri U kone u da vhukati hashu huno u ḥalukanye mihibulo ya mbilu dzashu, wa ri dzumbululela mafhethu ashu a shayaho nungo, huno wa fhodza malwadze ashu, huno wa phupha mbilu dzo kwashekanaho, huno wa tshidza vho xelaho, huno wa ita uri vhatu vha ñilugisele U Da Hawe. Murena, ipfa iyi thabelo.

⁴ Zwino ri khou yo vhala Ipfi Ḷau. Huno—huno ri a rabela, Murena, zwauri kha ngudo yashu ya tshikolo tsha Swondaha matsheloni ano, uri U do bveledza thalusó ya u vhaliba huno wa I dzumbululela mbilu dzashu. Ngauri, ri da ngeno u itela ndivho nthihi fhedzi. Iyo ndivho, i yoñhe, ndi u U ñivha lwa khwine. Riñe vhane ra vha Vhakriste, nga Lutendo, ri ḥoda u U ñivha lwa khwine. Avha vha sa athu vha Vhakriste, vha khou ḥoda u U ñivha sa Mutshidzi wavho. Huno ri a rabela zwauri a hu nga vhi na muthihi a no do ḥuwa tshifhañoni itshi, a si na tshithu,

fhedzi uri khumbelo iñwe na iñwe i khunyelele nga u tou ralo, huno lutamo luñwe na luñwe lwa itwa, huno muthu muñwe na muñwe—muñwe na muñwe a takala, huno a tuwa tshifhatoni, a tshi ri, vhunga avho vha bvaho Emausi, “Naa mbilu dzashu a dzo ngo swa ngomu hashu, musi A tshi amba na riñe ndilani?” Ngauri ri humbelia izwi Dzinani la Yesu. Amene.

⁵ Zwino inwi a no tøda u fhenda Bugu yanu. Kanzhi, ndo wanulusa, zwauri kha tshumelo dza evangeli, idzo dzi tshi todou vha miniti ya fumbili kana furaru dzi ita mveledzwa dza khwinesa dza mulaedza wa maya wo poselwaho ngomu, huno ha mbo da mbidzo ya alitari. Fhedzi itsi tshi tshikolo tsha Swondaha, ndi tou sa funa u zwi ita nga iyo ndila matsheloni ano. Ndi pfa ndi tshi rangwa phanda lwo engedzeaho u dzhia tshifhinga tshanga huno nda amba nga ha Ipfi.

⁶ Zwino, arali muñwe-vho a songo digeda, a tshi rothola lwo kalulaho, tshithu fhedzi tshine na tea u ita ndi... Mukomana wanga, muñhogomeli, u ngei murahu tshivhidzoni heneffho, itonu imisa tshanda tshañu nga iyo ndila heneffho murahu, khae, huno u do langa mufhiso. Huno ri tøda ni tshi digeda nahone na pfa no luga zwa vhukuma. Huno thetshelesani Ipfi, ngauri ri fulufhela Muya Mukhethwa u ri funza Ipfi la Mudzimu. Huno ni a kona u pfa zwavhuði noþhe, ngeyo murahu? Arali ni tshi kona, imisani zwanda zwañu, arali ni—ni tshi kona u pfa zwavhuði. Izwo ndi zwavhuði.

⁷ Zwino ndi tøda ni tshi fhenda na nne, ndi na mañwe mañwalwa o ñwaliwaho hafha, na luñwe Luñwalo. Ngauralo ndi tøda ni tshi fhenda na nne, u thoma, kha Bugu ya Vharoma, Vharoma, ndima ya vhu⁹. Huno ri todou vhala u itela ngudo ya Luñwalo, u thoma, kha Vharoma 9:11.

(Ngauri vhana vha sa athu bebwa, nahone vha sa athu ita tshinwe-vho tshavhuði kana tshivhi, uri ndivho ya Mudzimu u ya nga u nanga i kone u ima, hu si nga mishumo, fhedzi nga uyo a no vhidza;)

Zwo ambelwa ene, Muhulwane u do shumela muswa.

Vhunga zwo ñwalwa, Yakobo Ndo mu funa, huno Esau Ndo mu vhenga.

⁸ Ngavhe Mudzimu a tshi inga phathutshedzo Dzawe kha u vhawla ha ulu Luñwalo. Huno zwino u itela liñwalwa, u tikedza ngudo yanga, ndi todou dzhia ili sa liñwalwa: *U Pfa, U Limuwa, U Ita U Ya Nga Ipfi La Mudzimu*. Ngavhe ndi tshi zwi dovhoholola hafhu. “U pfa, na u limuwa, huno zwenezwo u ita u ya nga Ipfi la Mudzimu.”

⁹ Zwino, riñe ri a zwi ñivha nga vhuðalo, riñe vhathu vha no tøla Mañwalo masiari na vhusiku, huno ra vhala bammbiri dzashu nahone ra pfa mafhungo a vhaanei, uri ili shango zwino lo ima lo fareswa nga maanda a maya mahulwane

mavhili. Huno one vhuvhili hao ndi maanda a vhurereli. Huno ndi tenda zwauri aya maanda mahulwane hu si kale a khou swika thohoni. Huno vhuvhili ha aya maanda mahulwane o vha o imelwa kha avha vharwa vhavhili vha Isaka. Ndila ye Mudzimu, nga vhutali Hawe vhu si na magumo, a dzula o tsira zwithu zweithe kha riñe; uri riñe nga izwi zwithu ri kone u zwi divha, hu na vhutanzi, zwi re phanda hashu. Zwo itwa zwa vha khagala nga maanda, zwauri Mudzimu na Ipfi Lawe, na mvelo na lifhasi lothe Lawe, zwo vhekanyiwa fhethu huthihi lwo fhelelaho, lune na mu—muitazwivhi u a kona u vhona uri tshiñwe tshithu tshi khou todou itea. Mudzimu o zwi vhekanya nga u ralo. A hu na a re na tsha u dilandula ngatsho.

¹⁰ Zwino, ri a vhona kha avha vharwa vhavhili zwauri musi vhone, vha sa athu na u bebwa, vho vha vha tshi lwa. Naho mme avho vha musidzana... Ngauri, vho vha vhe musidzana, Rebekah o nakaho we a malwa nga mbeu yo lugaho ya pfulufhedziso ya Mudzimu, Isaka; uri vho vha vhe vhatendi vhavhili vho dikumedzaho, vho dalaho Muya kha Mudzimu, vho telwa kha yeneyo mbingano ye vha tanganywa fhethu huthihi ngayo. Mudzimu o dzula o zwi divha. Huno tshithu tsho raloho tsho vha tshi tshi nga ña hani nga uyo mme muthihi, nga khotsi muthihi? Muthihi, muthu muvhi nga maanda; huno muñwe, muthu wavhudzi nga maanda; na ndila ye muthu wavhudzi a vhonala e muvhi, huno muvhi a vhonala e wavhudzi.

¹¹ Zwino ndi uri, tshifhinga tshothe zwe vha zwo ralo, tshifhinga tshothe zwi ño vha mbekanyamushumo ya Mudzimu. Mudzimu a nga si kone u shandukisa mbekanyamushumo Yawe. Ngauri, U ita mbekanyamushumo Yawe yo fhelelaho, ngauri ndi tshipida Tshawe.

¹² Ngadeni ya Edeni, tshivhi tsho vha tsho naka nga maanda u swika tshi tshi kunga Efa a bva kha u luga, u ita tshivhi. Huno Ngadeni yeneyo nthihi ye ha vha hu na muri wa Vhutshilo, ho vha hu na muri wa lulu.

¹³ Ri ño zwi divha namusi sa mulayo wa mbampedzo. Uri, hune ha vha na vhudi, hu na vhuvhi; hune ha vha na tshi re tshone, hu na tsho khakheaho. Huno na kathihi, hu sa londwi zwine vhupo hashu vhu nga vha zwone, ri nga si kone u vhuya ra dibvisa vhuhoneni ha tshiñwe tshazwo. Ngauri, Paulo o amba, "Musi ndi tshi ño ita zwivhuya, zwenezwo vhuvhi vhu hone." Muitazwivhi na kathihi a nga si kone u vha kule na Mukriste, Mukriste kha muitazwivhi. Hu ño vha na thanzi heneffo ya zwi re zwone, na vhutanzi ha zwo khakheaho, tshifhinga tshothe. Huno inwi ni nange. Ni tea u dzhia sia lithihi kana linwe.

¹⁴ Fhedzi kha avha vharwa vhavhili, zwi a kanukisa u divha zwauri, vha sa athu bebiwa, vhuvhili ha idzo mbeu nthihi, u bva kha Isaka, dze dza vha dzi pfulufhedziso. Zwino, ngudo

yashu yo lapfa zwiłuku, huno ndi todou wana zwa nga murahu zwe edanaho u swika ni tshi kona u vhona kokotolo zwine nda khou amba nga hazwo. Huno murwa wa u thoma, Esau, we a bebwa; ri wanulusa uri vho vha vha sa khou tała khani na u lwa fhedzi mbumbeloni ya mme avho, fhedzi vho bva khavho, vha tshi khou lwa, Esau a tshi bvelela, huno Yakobo o farelela kha tshirethe tshawe. Huno vha kha di lwa.

¹⁵ Huno nga ndila ye, nga ndila ye ya kona u bva kha avho khotsi na mme vho fhelelaho, vho tambaho, vho nangiwaho, vhakhethwa, mme na khotsi vho dikumedzaho! Ngauralo u zwi tea, uri, Mudzimu u vhidza nga u nanga. Hu fanela u vha nga u ralo. A hu londwi uri khotsi na mme aṇu vho vha vhe vhavhudzi hani, vho vha vha tshi takadza hani, khotsi na mme aṇu vho vha vhe Vhakriste zwingafhani, zwi kha di vha kha inwi sa muthu, kuimele kwāṇu phanda ha Mudzimu. Iyi ngudo i funza zwauri, zwauri vhone, vhuvhili ha avho vhana, vho vha vhe hone nga u nangiwa na u vhidzwa nga Mudzimu, khotsi na mme, musadzi a re musidzana na munna mukhethwa, vhe mafhedziselonzi zwa itea uri nga kha mbeu yawe hu de Yesu Kristo. O bebwa sa uyo a bvaho vhafuni. O lingiwa, khotsi awe e phanda hawé. Nahone o vha o fulufhedziswa, nga kha iyi mbeu ya Isaka, zwauri shango lothe li do tshidzwa. Huno nga munna a no nga uyo, na malofha awe o tambo zwingafho lwe Mudzimu a sa vhuye a tendela Mufilista u vhuya a kwama mme, nga murahu ha musi Abrahamu o mu nekedza khae. Mudzimu o rwa nndu yawe nga bulayo, huno a ri, “U tou fana na musi wo fa,” o fara ulwo lutsinga lwa malofha nga ndila yo tambaho. Na uyo Rebekah, o lugaho, mukhethwa, o ruñwaho nga Mudzimu nahone mme o vhidzwaho nga Mudzimu. Huno kha iyo mbeu khethwa ho bvelela lishandukwa na mutendi. Ni a vhona? Ngauralo zwi kha mbidzo ya Mudzimu, u nanga ha Mudzimu.

¹⁶ “Huno muñwe wavho a sa athu bebwa, Mudzimu o ri, ‘Ndi funa Yakobo huno ndi vhenga Esau,’ muñwe wavho a sa athu bebwa.” Ngauralo nga ndila ine ra tea u pfa. Muñwe muthu we Mudzimu a amba na inwi ngae huno a ni ramba u da kha tafula Yawe na kha Haya Hawe, huno na vha murwa Wawe kana ñwananyana, a hu na tshithu tshihulwane zwingafho u nga hetsho.

¹⁷ Avha vhatukana vhavhili, arali ri tshi do dzhiela nzhele mvelo yavho, muñwe wavho o vha e munna wa maya, uyo o vha e Yakobo. Huno munna wa ñama o vha e Esau. Fhedzi vhuvhili havho vho vha vhe vha vhurereli. Huno tshenetsho tshithihi tsho itea hothe kha tshikhathi, tsha ñama na tsha maya.

¹⁸ Esau o imela munna wa lifhasi, wa mvelo, o tshingamelaho kha vhurereli, fhedzi na kathihi a sa koni. Zwo vha zwi siho khae u zwi ita. O kundelwa u zwi ita. Na kathihi ho vha hu siho khae u namela a fhira zwithu zwa shango, tshithu tsha ñama.

¹⁹ Fhedzi, Yakobo, zwo vha zwi tshi tou leluwa zwingafho uri ene a zwi ite. Zwino, Yakobo, ndivho nthihi ye Yakobo a vha e nayo, huno iyo yo vha i ya uri o ṭulutshelwa uvho vhutanzhe, hu sa londwi uri o vhu wana hani, u tou ri o vhu wana.

²⁰ Huno uyo muya wa iyo mbebo nthihi u kha di imelwa shangoni ḥamusi, huno u khou ḫa thohoni zwino: mutendi wa muya; na munna wa ḥama, mutendi wa ḥama. A hu na ane a nga ri vhuvhili havho vho vha vha si vha vhurereli. Vho vha vho ralo. A vho ngo ri muñwe o shumela “tshifanyisamudzimu” huno uyo muñwe “Mudzimu.” Vhone vhuvhili havho vho vha vhe vhalanda vha Mudzimu.

²¹ Zwino, dzhielani tshenzhemo yavhudi kha Mañwalo zwino nga ha iyi thoho, ngauri nñe ndi na ngoho ya uri i do ni thusa. Ni a vhona? Zwino, “A si muñwe na muñwe a no ri, ‘Murena, Murena’ a no do dzhena, fhedzi uyo a no ita lufuno Iwa Khotsi Anga a re ngei Tađulu.”

²² Zwino arali na dzhiela nzhele, Yakobo o vha e na tshithu tshithihi tshe a ḫoda, ngauri, u ya nga Ipfi, phaṭhutshedzo na tshithu tsha—tshavhuđi zwo vha zwi kha vhutanzhe. Huno, Yakobo, itsho tsho vha tshi tshone tshipikwa tshawe fhedzi, tshithu fhedzi tshe a vha e natsho ḥhalukanyoni tsho vha tshi “wanani uvho vhutanzhe.” Huno Esau o vhu nyadza. Uyo we a vha e na ho zwa vhukuma, o vhu nyadza, kana o vha a tshi vhu shona. Fhedzi Yakobo o vha a tshi vhu ḫoda hu sa londwi uri o vhu wana hani, o vhu ḫoda.

²³ Iyo ndi ndila kha mutendi wa muya ḥamusi. Ha londi uri ni mu sea zwingafhani, uri ni tamba ngae zwingafhani, uri u tea u ita nga ndila i seisaho hani kha ḥhalukanyo ya ḥama. Tshipikwa tshawe fhedzi ndi vhutanzhe. U ḫoda u swika kha Mudzimu, ngauri ho bebwa ngomu hawe. Ha koni u sa zwi ita.

²⁴ Yakobo zwi amba “muṭalifedzi” kana “mufhuri.” Fhedzi nga murahu ha u wana na u dzhia vhutanzhe, a shandukiswa. Iyo ndi ya ḥama, tshanduko. A mbo vhidzwa, Yakobo, ene “mukololo na Murena,” we a ita tsimbe Nae.

²⁵ Mutendi wa ḥama ḥamusi, “Oo, samusi ndi tshi ya tshivhidzoni huno nda ita zwi re zwone, naa zwi ita phambano-de?” Itsho ndi tshigwada tsha Esau. U kha di tamba na u nyadza vhutanzhe, ha zwi londwi. Fhedzi Yakobo o vhu funa.

²⁶ Huno munna wa muya ḥamusi, na musadzi wa muya, uyo o nangiwaho, o tiwaho nga Mudzimu uri a de kha Vhutshilo Vhu Sa Fheli, arali vha tshi tea u rengisa tshiñwe na tshiñwe tshire vha vha natsho, arali vha tshi tea u ḫusa dzina lavho kha bugu ya tshivhidzo tshiñwe na tshiñwe kha lushaka, vha kha di ḫoda uvho vhutanzhe. Ndi tshone tshithu fhedzi tsha ndeme kha vhone, “itonu wana uvho vhutanzhe,” ndi zwenezwo fhedzi. A hu londwi uri hani, uri vha tea u ḫa

kha ndili ifhio, arali vha tshi tea u tsela fhasi kha alitari huno vha lila, boo-hoo, arali vha tshi tea u gidima kha ma—ma—mafhetu huno vha humela murahu huno vha lugisa zwithu, huno vha rengisa zwine vha vha nazwo, kana—kana vha nea tshiniwe na tshiniwe tshine vha vha natsho huno vha vha mufhiri na mutsinda, a zwi dini. Vha toda vhutanzhe. Ndi tshenetsho fhedzi tshine vha tshi takalela, vhutanzhe. Zwino, ni songo vha vhea mulandu avho vhathu. A vha koni u sa zwi ita. Vho vha vho telwa honoho, vho nangelwa hone.

²⁷ Huno zwenezwo ri vhona uri avha vhathu vhavhili, vha nama na maya, iyo ndi ndila ye tshifhinga tshothe zwa bvelela. Iyo ndi ndila ine zwa vha ngayo namusi. Tshifhinga tshothe zwo vha nga iyo ndila.

²⁸ Kaini na Abele. Ngadeni ya Edeni, musi Edeni i tshi sikiwa, ho vha hu na miri mivhili ine munna a tea u nanga khayo. Muthihi, u vha vhutali; muñwe, u vha Vhutshilo. Ho vha hu na vhatukana vhavhili, Kaini na Abele, vhuvhili havho vho vha vhe vha vhurereli. Muñwe wavho o tama Vhutshilo Vhu Sa Fheli, huno a nekedza kha Mudzimu, nga lutendo, tshidzimu tshavhudivhudi lwo engedzeaho u fhira Kaini. Tshifanyiso tsho fhelelaho tsha zwivhidzo namusi: tshivhidzo tsha mvelo, tshivhidzo tsha maya. Huno a hu na u timatima uri ndi khou amba na vhuvhili ha kilasi idzo zwa zwino, huno thañwe nga theiphi ndi do amba na mahumi a zwigidi zwavho.

²⁹ Fhedzi, sedzani, tshivhidzo tsha mvelo, tshi tou vha tshivhidzo tsha nama. A vha koni na kathihi u vha nga nthi ha itsho tshithu tshiñuku tsha “Ndo vha murado wa tshivhidzo. Arali ndi tshi ya tshivhidzoni, arali ndi tshi ita zwa khwinesa zwine nda kona, ndi zwenezwo fhedzi zwine Mudzimu a toda.” Zwino, izwo ndi zwenezwo zwithihi zwe Kaini a ita. O ya nahone a ita alitari. O ita tshidzimu, a disa mitshelo ya shango. Huno a ri, “Ngetshi, Mudzimu. Itscho ndi tshone tsha khwinesa tshine nda vha natsho. Tshi dzhie kana u tshi litshe.” Iyo ndi ndila ine mutendi wa nama a tenda namusi. “Murena, ndi do ya tshivhidzoni. Ndi do vha murado wa tshigwada tsha khwinesa tshine ndi nga tshi wana. Ndi do badela mitendelo yanga kha tshivhidzo. Ndi do ita zwi re zwone. Zwino, ngetshi tsha khwinesa tshine nda kona u ita. Ndi do thusa u renga malasha a tshilikadzi. Kana, ndi do nea vhana zwiambaro.” Izwo zwo luga, a hu na tshi no ambiwa tsha u lwa nazwo. “Fhedzi izwo ndi zwone, ndi zwenezwo fhedzi. Arali U tshi tshi toda, tshi dzhie; arali U sa tshi todi, A u tei u tshi dzhia.” Zwino, uvho ndi vhugifari ha tshivhidzo tsha nama namusi.

³⁰ Fhedzi tshivhidzo tsha maya! Abele, nga nzumbululo, nga tshilidzi, o vhona seli ha hezwo, huno nga lutendo a nekedza tshidzimu tshavhudivhudi lwo engedzeaho kha Mudzimu u fhira Kaini. Huno tsho tanziela nga ha u luga hawe, Mudzimu.

³¹ Zwenezwo zwithihi two itea kha Ishmaele na Isaka. Muthihi o vha e wa ḥama, huno muriwe o vha e wa Muya. Muthihi, wa musadzi wa phuli; muthihi, wa musadzi o vhofholowaho.

³² Ho bvelela zwenezwo zwithihi kha la Israele na Moaba, zwivhidzo zwivhili zwihulwane zwi tshi da fhethu huthihi. Huno musi Israele yo vha i tshi khou ṭoda u ya fhethu havho ho fulufhedziswaho, tshivhidzo tsha maya, vhathu vha Yakobo, Israele ndilani; vhathu vha Esau vho ṭangana navho, Moaba, tshivhidzo tshi re na maanda. Huno murangaphanda muhulwane wa tshivhidzo, Biliamu, o tsela fhasi u sema mukomana wawe, fhedzi o wana zwauri a nga si kone u sema mukomana wawe. O kundelwa, e na u pofula ha maṭo awe, u vhona pułane yo tiwaho, iyo, na u vhona Ipfi la Mudzimu.

³³ Tsha u thoma, “Lutendo lu da nga u pfa, u pfa Ipfi la Mudzimu.” Zwenezwo mutendi u a Li pfa, u a Li limuwa, nahone a ita u ya nga Haṭo. Munna wa nama u do Li pfa, mubvumo Waṭo, fhedzi na kathihi... *U pfa* zwi amba u Li “pfesesa.” Sedžani kha, ndi u sedza kha tshiñwe tshithu; fhedzi u tshi *vhona*, ndi u tshi “pfesesa.” “Nndani ha musi muthu a tshi bebwa hafhu, a nga si kone u vhona kana u pfesesa Muvhuso wa Mudzimu.”

³⁴ Zwino, hafha hu da Israele, i tshi da na pfulufhedziso ya Mudzimu, ya uri vho vha vha tshi khou ya shangoni lo fulufhedziswaho. Hu si vha sa tendi, fhedzi vhatendi, vhatendi kha onoyo Mudzimu muthihi we Israele ya vha i nae, vha bva u lingedza u sema mukomana wawe, ngauri o amba zwauri mukomana wawe, nga ngoho o vha a songo luga ngauri o vha o ita zwithu zwinzhi zwe zwa vha zwi zwivhi. Fhedzi, ni a vhona, o kundelwa u vhona u nanga.

³⁵ Zwenezwo zwithihi kha Esau na Yakobo! Esau o vhonala a tshi nga munna wa khwine. O dzula fhasi huno a ita zwithu zwa lufuno. O-o londa baba wawe wa kale wa bofu, a mu wanela nama ya nyala huno a mu londa, nahone e mutukana wavhuđi. Ndi zwithu zwinzhi zwine vhatendi vha ḥama vha ita siani la vhurereli, madzangano a u thusa, na-na u badelwa ha mbalélanu dza sibadela dza vhathu, na zwithu zwa vhurereli, fhedzi izwo a si zwine nda khou amba nga hazwo.

³⁶ Moaba o vha e wavhuđi, lushaka luhulwane, mukomana khae. Huno Yakobo o vha o no ita tshiñwe na tshiñwe, o vha e lishandukwa; fhedzi naho zwo ralo o vha e na tshithu tshithihi tshire a tea u tshi kona, itsho tsho vha tshi tsha u wana iyo pfulufhedziso, uvho vhutanzhe. Hafha hu da Israele, vhana vha Yakobo, vhe na tshipikwa tshi fanaho. Zwino ndi nnyi a no khou yo ita zwone?

³⁷ Biliamu o fhaṭa alīṭari dza sumbe; kha la Israele ho vha hu na alīṭari dza sumbe. Biliamu o ḥekedza zwidzimu zwa sumbe zwa zwivhanda zwo kunaho; Israèle yo ḥekedza zwidzimu zwa

sumbe zwa zwivhanda zwe kunaho. Heneffo, u swika hune vha zwi dzhia nga ndila ya nyitelatherelo, Moaba wo vha u tshi tou vha wa vhurereli u nga Israele, Esau o vha a tshi tou vha wa vhurereli u nga Yakobo, na Kaini o vha a tshi tou vha wa vhurereli u nga Abele. Fhedzi, ndi u nanga hune ha fara.

³⁸ Ndila ye ha pofulwa! Ndila ye vhana vha Esau vha pofula, ri tshi amba nga lwa maya, Vhamoaba, vho sedza fhasi kha Israele huno vha ri, “Vha sedzeni. A si vhone dinomineisheni. Vha tou vha tshivhalonyana tsha mashandukwa. Vha dzula dzidenndeni. Huno riñe ri lushaka lufulwane. Vho ita vhuvhi. Nahone a vha na dzangano vhukati havho. Vha khou sokou ya ngei na ngei u mona hothe, vha tshi khou tevhela muporofita.” Fhedzi o kundelwa u vhona Nowa ya Musinaseha na Tombo lo rwiwaho zwi tshi khou tshimbila phanda havho. O kundelwa u vhona itsho tshigwada tsho vhidzelwaho nnenda, tsho nangiwaho hu tshi tevhelwa ndaela Khethwa ya Mudzimu ya u ya shangoni lo fulufhedziswaho.

³⁹ Iyo ndi ndila ine zwa vha ngayo namusi. Vha ri, “Ndi tshivhalonyana tsha vhavhumbuluwi-vhakhethwa. Ndi tshivhalonyana tsha vhathu vha re *itshi*, *itsho*, kana *tshinwe*.” Fhedzi vha kundelwa u vhona zwauri tshi khou tevhela budo la Ipfi la Mudzimu.

⁴⁰ Israele yo vha i ndilani yayo ya u ya shangoni lo fulufhedziswaho. Mudzimu, kha Ipfi Lawe, o ita pfufuhedziso.

⁴¹ Yakobo, tsho itisaho uri a nange u wana uvho vhutanzhe, hu si na u londa, o vha a tshi tod a vhu wana, ngauri o zwi divha uri uvho vhutanzhe ho fara dziphathutshedzo. Ho fara vhutshilo. Ho ngo londa uri vhu da hani, u tou ri fhedzi o vhu wana. Itsho tsho vha tshi tshone tshithu tshihulwane. Uri vhu da nga bufho lifhio, zwe vha zwi sa dini. O vha a tshi vhu tod a. Huno u fanela u vha nah. Huno o vhu wana. “Vho fhatutshedzwa avho vha no farwa nga ndala na dora la u luga, vha do dadzwa.” O vha e ndilani yawe, huno o vha e murahu haho, huno a vhu tanganedza.

⁴² Israele yo vha i ndilani yayo ya u ya shangoni lo fulufhedziswaho. A hu londwi uri ndi Vhamoaba vhanzhi hani na masamba e vha lingeda u vhea khavho, vho ya tswititi kha shango lo fulufhedziswaho.

⁴³ Huno namusi inwi na kathihi...a hu londwi uri vha wana mulayo mungafhani, u sengiswa hungafhani, mutovholo mungafhani, vha amba zwithu zwivhi zwingana, vha vhidza “muvhumbuluwi-mukhethwa” lungana, vha amba izwo zwithu zwivhi lungana, tshivhidzo tshi do bvela phanda. Tshi tea u ralo. Tsho dzula kha Ipfi la Mudzimu.

⁴⁴ Nga tshinwe tshifhinga khosi mbili dzo da fhethu huthihi. Inwe yadzo yo vha i Ahaba, iyo mmbi, inwe yo vha i Jehosafati; tshivhidzo tsha maya, tshivhidzo tsha nama.

⁴⁵ Ahaba o vha e mutendi a re lukomboni. O vha e na vhaporofita. Vho vha vha si vha sa tendi. Vho vha vha si vharabeli vha tshifanyisamudzimu. Vho vha vhe vhaporofita vha Israele, fhedzi whothe vho vha vho funzwa na u kanzwiwa na u ambadzwa nga khosi Ahaba. Hu vha u nga fhethu he vha vha vhe na u tikedzwa hothe ha politiki.

⁴⁶ Jehosafati a dzhena, a tshi tsela fhasi, a ita mbumbano, ine ya vha uri yo khakhea.

⁴⁷ Inwi ni songo konana na vha sa tendi. Rine a ro ngo tea na kathihi, nga ndila ifhio na ifhio, u vhuya ra nwala madzina ashukha dzibugu zwivhidzoni zwi sa tendiho Mafhungo-madifha o dalaho. Na kathihi! Inwi ni do dzhena vhulemeni.

⁴⁸ Huno vho dzhena vhulemeni. Huno uyu munna o lugaho o ri, “Naa a ro ngo tea u thoma ra amba na Murena, huno ra wanulusa uri kana ri tea u ya ngei Ramothe-Giliada?”

⁴⁹ Zwino sedzani uri nzudzanyo yo vhonala yo fhelela hani. “Ndi hashu Ramothe-Giliada. Ndi ndaka yashu, huno Vhasiria vho i dzhia kha Mudzimu a tshilaho. Naa ri nga si gonye huno ra dzhia ili shango?” Huno o ita nyambo yo nakaho nga maanda, nahone ya mulayoni nga maanda, nahone yo lugaho nga maanda, u swika Jehosafati a tshi kungwa ngayo.

⁵⁰ Huno, namusi, vhanna vha a kona u ima kha phuluphithi vhe na u ita tshipitshi na u talifha ho raloho, na pfunzo, u swika vha tshi kona u talutshedzela Maanda a Muya Mukhethwa kule na Bivhilî. Vha a kona u talutshedzela phodzo ya Muya kule. Vha a kona u talutshedza u amba nga dzindimi na thalutshedzo, vha a kona u talutshedza ndovhedzo ya Muya Mukhethwa, kha linwe duvha.

⁵¹ Fhedzi munna o nangiwaho nga Mudzimu, munna... “nngu Dzanga dzi divha Ipfi Langâ.” Inwi ni na uho u nanga ha Mudzimu kha inwi, zwi nga si ni khukhule na kathihi.

⁵² Jehosafati o amba, khosi ya u luga yo ri, “Naa a hu na muporofita, uri ri kone u amba na Murena?” Ahaba o vha a tshi khou bvela phanda a si naho.

⁵³ Iyo ndi ndila ine tshivhidzo tsha nama tsha khou ita namusi. Oo, vha na seminari dzo dalaho vhareri, vhanna vhahulwane, vhaphurofesa vhahulwane, vho talifhaho, vho thanyaho, vha pfesesaho nga u tavhanya, yawee, nnenne, kule nga phanda ha vhu—vhu talai ha tshivhidzo tsha mve...kana tshivhidzo tsha mayu.

⁵⁴ Maduvhani a Noaxe, maduvhani ayo, sedzani tshivhidzo tsha mvelo. Naa vho vha vhe mini? Vhorasaintsi, vhafha, vhanna vho thanyaho. Fhedzi vhanangiwa, Enokho na Noaxe, vho vha vhe vhalisa na vhalimi, vha diukufhadzaho, vha songo funzeaho, vha songo thanyaho, fhedzi vho divha Mudzimu

wavho; tshiñwe tshithu khavho, tshi tshi khou tshimbila, tshi tshi khou vhidza. Ri ðo ða kha izwo nga murahu ha tshifhinganyana.

Zwino, ngauralo Jehosafati a ri, “Naa a hu na muporofita?”

⁵⁵ Oo, a hu na zwiñwe, vha re vha nama vha navho. “Zwa vhukuma, ri navho. Ndi na seminari hafha fhasi, yo dalaho vhone.”

⁵⁶ Vho disa vha madana maña. Zwino, avha a si vha sa tendi. Ndi vhaluvhi vha Mudzimu-Jéhovah. Vho da, huno vha ri, “Kha ri vhe na tshifhinganyana huno ri ðo porofita.” Huno ngauralo vhoþe vha ða fhethu huthihi. Huno vha vhuya na, “Ipfi la Murena,” huno vha ri, “MURENA U RALO.” Vhaporofita vha Israele. “U RALO MURENA. Gonyani, Murena u na inwi. Huno ni ðo dzhia Ramothe-Giliada, ngauri ndi ha Israele zwa vhukuma.” Huno muñwe wa magota a mu itela þanga mbili khulukhulu nga tsimbi, sa muimeli, huno a thoma u sukumedza. A ri, “Nga itshi ni ðo sukumedza Israele...kana na sukumedza Vhasiria thwii nnnda ha Ramothe-Giliada.”

Fhedzi, Jehosafati, tshiñwe tshithu khae!

⁵⁷ Oo, ndi fhulufhela uri Mudzimu u swikisa izwi kha mbilu yanu. A si tshithu tshine ni nga ðifunza tshone. A si tshithu tshine ni nga ðivhalela tshone. Ndi tshine Mudzimu, nga u nanga, a ni itela tshone. “A si uyo a no gidima kana uyo a no sumbe... Ndi Mudzimu a no sumbedza khathutshelo.”

⁵⁸ Jehosafati o ri, “Ndi vhanna vho ambaraho zwavhuði.” A hu na u timatima uri o amba tshiñwe tshithu tshi no nga itshi, “Vho talifha, nahone vhanna vho thanyesaho vhe nda vhuya nda vha pfa. Vho funzelwa tshino tshifhinga. U ima havho ndi ha u vha kha lithihi. Vha na vhuthihi vhuhulwane vhukati havho. Huno vho thanya, huno vha na Ngoho nnzhi khavho.”

⁵⁹ Vhukhakhi hoþe vhu na Ngoho. Mazwifhi mahulusa e a vhuya a ambiwa o vha e na fufahe...[Tshikhala kha theiphi—Mudz.] wa phesente dza Ngoho khao, mazwifhi e Sathane a vhudza Efa.

⁶⁰ “Oo, ndi Ngoho nnzhi kha zwine vha khou amba, fhedzi a hu na muñwe o engedzeaho?”

⁶¹ Zwo ralo, naa ni elekanya uri uyo munna o ri mini? “Musi ri na vha madana maña hafha, vha vho thanyesaho, vha khwinesa? A vhaho ngeno nnnda sogani vha tshi khou gidima u mona hoþe vhe fhedzi lwa hafu, huno vho putelwa nga mukumba wa nngu, kana tshiñwe tshithu. Ndi vhanna vhe nda vha kanzwa, nda vha funza. A si vhanna vha sa ðivhi ABC dzavho. Ndi zwikola, huno vha a ðivha itsho tshithu. Vha a dzula, masiari na vhusiku, vha tshi khou

vhala zwikurolo na vhuporofita. Vha a divha zwine zwa vha zwone. Ndi navho vho dilugisa. Huno vho ima hafha vhe kha lithihi, mađana maŋa avho, vha tshi khou ri, ‘Gonyani, Murena u na inwi.’”

⁶² Fhedzi ndo kona u vhala ɿhalukanyo ya Jehosafati lwa miniti i si gathi, “Hu tou vha na tshiñwe tshithu tshine tsha sa takadze,” o vha a tshi ðo ralo. “Hu tou vha na tshiñwe tshithu tshine tsha sa vhonañe tshi tshone. Naa a hu na muñwe o engedzeaho, huñwe fhethu?”

⁶³ “Oo,” a ri, “ee, hu na muñwe o engedzeaho, fhedzi a si wa dzangano. Ndi muthu wa lushaka lwo fhambanaho. U tou vha lishandukwa.” U nga Yakobo. “Fhedzi ri nga kona u mu vhudzisa. Vha ri ndi ene muporofita. Fhedzi ndi a zwi timatima, ngauri tshifhinga tshothe u a ntsema, a tshi ri *itshi, itsho*, kana *tshiñwe*, kana na kathihi ha porofiti zwavhuñi nga ha nñe.” Naa o vha a tshi nga ralo hani? Ni a vhona?

⁶⁴ Ngauralo vha ri, “Kha ri ye u mu wana. Ndi ene murwa wa Imila.” Ngauralo vha ya huno vha mu wana.

⁶⁵ Huno muñwe muthu a tangana nae ndilani, a ri, “Zwino, iwe u ambe zwenezwo zwithihi zwine vha amba. U fanela u tendelana na nyandano. Arali u sa iti, khombo kha iwe!”

⁶⁶ A ri, “Ndi ðo amba fhedzi zwine Mudzimu a vhea mulomoni wanga uri ndi ambe, huno hu tshiñwe tshithu-vho.”

⁶⁷ Zwenezwo nga murahu ha musi o no swika henengei, huno vha mu nea vhusiku, a ri, “Gonyani ntha, fhedzi ndo vhona Israele yo balangana sa nngu dzi si na mulisa.”

Huno Ahaba a ri, “Naa a tho ngo ni vhudza?”

⁶⁸ Zwino, hu na vha mađana maŋa vha no luñana na muthihi. Vhanna vha mađana maŋa vho pfumbudzwaho, vho thanyaho, vho funzeaho, vho ɿalifhaho vha tshi luñana na mudzia-u-sa-ðivha muthihi, sa zwe ra vha ri tshi ðo mu vhidza zwone, Mika. Munna muthihi, fhedzi naho zwo ralo uyo munna muthihi o vha e na Ipfi la Murena, izwo zwo ita phambano. Muñwe na muñwe wavho o vha e wa khole-khole, zwo sumbedza zwi zwa khole-khole. Ndi ngani Mika o vha e o fhambanaho nga maanda? Naa o ðo tea u vha mushai, uri a vhe o fhambanaho? Hai. Ene... Tsho itaho uri Mika a vhe o fhambanaho, o dzula na Ipfi. Ipfi la Mudzimu ndi tshe a dzula natsho.

⁶⁹ Zwino zwo fulufhedziswa zwauri, kha aya maduvha, “Mudzimu u ðo shulula Muya Wawe.” Zwo fulufhedziswa nga Daniele, zwauri, “Vhathu, kha mađuvha a musi tombo li tshi rwa tshifanyiso mulenzheni, vhathu vha no ðivha Mudzimu wavho vha ðo ita mishumo mihulu.” Vhuporofita na vhuporofita! Huno seminar dzoþhe, shango, li nga si kone u dzi bvisa. Mudzimu u khou yo zwi ita, naho zwo ralo, huno

vhatu vha khou yo zwi tevhela. Ni a vhona? Vha nama na... Tshivhidzo tsha mvelo na tshivhidzo tsha N̄tha Ha Mupo. Ni a vhona, Ipfi li ita phambano.

⁷⁰ Izwo ndi zwe Yakobo a elekanya, "Huno a hu londwi uri mini, ndi a zwi divha uri na kathihi ndi nga si fhaṭutshedzwe nndani ha musi ndi tshi fara uvho vhutanzhe. Uvho vhutanzhe ndi tshine nne nda khou yo tea u tshi fara."

⁷¹ Huno, fhedzi Esau o vhu vhenga, huno vhana vhawe vha ita zwenezwo zwithihi, naho zwe ralo, u swika kha lino ḫuvha. Vha a vhu vhenga. Tshifhinga tshothe zwe vha nga u ralo.

⁷² Tshifhinga tshinwe na tshinwe hu na mvuseledzo, tshifhinga tshothe i bveledza mafhata. Ilo ndi l̄ihumbulwa li songo vhibvaho, fhedzi ndi ngoho. Musi ho vha hu na mbebo i bvaho, kha Isaka na Rebekah, yo bveledza mafhata. Musi shango li tshi sikiwa, lo bveledza mafhata, miri mivhili. Huno musi Kaini na Abele vha tshi bebwa, yo bveledza vhavhili. Musi Ishmaele na Isaka vha tshi bebwa, yo bveledza vhavhili. Huno musi Esau na Yakobo vha tshi bebwa, yo bveledza vhavhili. Muňwe wavho, wa mvelo (muňwe wavho, wa l̄ifhasi); muňwe, N̄tha Ha Mupo. Huno muňwe o sedza kha zwa mvelo, zwa u ḫalifha; muňwe o tshimbila nga Muya. Tshifhinga tshothe zwe vha nga u ralo. Musi tshivhidzo tsha Luṭere tshi tshi da...

⁷³ Kha ri dzhie Pentekoste, u thoma. Sedzani mbebo ya Pentekoste. Yo bveledza mvuseledzo khulwane, ya maanda ye ya swiela shango li dihwaho, Pentekoste. A ho ngo fhela tshifhinga tshilapfu nga murahu ha Pentekoste u swika Paulo na ene a tshi amba, zwauri, "Hu do vha na vhanna vha no vuwa vhukati havho, vhe na zwithu zwe shandeaho, huno vha do pambusela vhatu kule na Mudzimu." Huno izwo ndi zwone kokotolo zwe vha ita. Zwi bveledza vhavhili.

⁷⁴ Musi tshivhidzo tsha Luṭere tshi bebiwa, Martin Luther o bveledza mvuseledzo ya maya. A ho ngo fhela tshifhinga tshilapfu u swika hafha hu tshi da Esau, henehfo murahu hawe, huno a i dzudzanya. Huno yo bveledza vhavhili.

⁷⁵ Zwenezwo nga murahu ha hezwo, hu da Mumethodisi, John Wesley, mvuseledzo ya maya. Huno nga murahu ha heyo, hu da dzangano, la i dzudzanya. Huno yo bveledza vhavhili.

⁷⁶ Huno nga murahu ha heyo, hu da Pentekoste, mvuseledzo. Huno zwino vho no i dzudzanya, huno zwino vha dzula fhasi kha dzangano. Huno li bveledza vhavhili.

⁷⁷ Fhedzi iyo mbeu ya maya ya Mudzimu a tshilaho, naho i tshi tea u vha mudziileli, naho i tshi tea u vha mutendeleki, tshifhinga tshothe i vhanga phandekano. Esau ho ngo vha na Yakobo tshifhinga tshilapfu. Zwenezwo Yakobo o no wana vhutanzhe (rendani Mudzimu), ho ḫoda phandekano. Huno

musi munna... A thi londi uri ni wa tshivhidzo tshifhio, arali tshi tsha ɔnama, huno vhatikedzi vhaṇu vhane na gidima navho, vhatu vhane na tamba magaraṭa navho, na madzangano a litheretsha aṇu, na vhaṇwe-vho; musi ni tshi wana vhutanzhe, itsho tshithu tshi re fhasi mbiluni yaṇu tsho farwaho nga ndala ya Mudzimu, musi ni tshi ṭanganedza hetsho, tshi ḥoda phandekano. “Ibvani vhukati havho, huno ni fhandekane, u ralo Mudzimu.” Phandekano!

⁷⁸ Tshivhidzo tshi dzula fhasi. Ni a vhona, tshi nga si kone u bvela phanda. Esau o vha e tshifanyiso tshavhudzi nga maanda tsha mutendi wa ɔnama ɔnamusi, na kathihi a sa koni u kunda shango. Ha kundi zwithu zwa shango. Vha kha di ḥoda u nwesa, u dantsa havho, zwiḍolo zwa ɔala dzavho nahone, vhasadzi, kha zwifhaṭuwo zwavho, huno—huno vha tshi ṭunya mavhudzi avho nahone—nahone vha tshi ambara izwi zwiambaro zwiṭuku zwipfufhi zwa kale; huno—huno munna u takalela u ya nn̄da kha phera dza u betsha, nahone—nahone a daha dzisigareṭe, huno a amba miswaswo miṭuku ya tshika; huno a di vha wa tshivhidzo. A vha koni u kunda izwo zwithu na kathihi. Na Esau ho ngo kona. Fhedzi naho zwo ralo, u vha wa vhurereli, o do tea u dzula fhasi a vha na muṭalukanyo wa u ṭalifha. Izwo ndi zwenezwo zwithihi zwine tshivhidzo tsha ita ɔnamusi. “Ri do vha dzangano. Ri do divhea fhethu huthihi. Ri do ita tshigwada tshihulu, kana tshigwada tshiṭuku, kana tshiṇwe tshithu tshi no nga tshenetsho.”

⁷⁹ Huno iyo ndi ndila ine tshivhidzo tsha tshimbila ɔnamusi, tsha muya na tsha ɔnama, zwi kha di fana. A zwo ngo shanduka, huno na kathihi a zwi nga shanduki.

⁸⁰ Vhukhethwa ha Mudzimu. Mudzimu, e Mudzimu, u a zwi bveledza izwo, Ene muṇe. Arali ho vha hu si na muitazwivhi, na kathihi ho vha hu si... O vha a tshi do vha a songo vha Mutshidzi na kathihi. Fhedzi O vha e Mutshidzi u rangani, ngauralo ho vha hu si na tsho xelaho. Huno zwiṭaluli Zwa Ene muṇe e Mutshidzi, zwo bveledza muitazwivhi, ho do tea u vha na tshiṇwe tshithu uri tshi tshidzwae. Hu sa athu vha na tshiṇwe tshithu tshi tshidzwaho, ho do tea u vha na tshiṇwe tshithu tsho xelaho. Huno u luga Hawe na vhukhethwa Hawe! Arali na kathihi ho vha hu songo vha na muthu a—a lwalaho, O vha a tshi do vha a songo vha mufhodzi na kathihi. Fhedzi u bva u rangani, na zwa u rangani, O vha e hone hu sa athu vha na u rangani. O vha e mufhodzi. Ngauralo ho vha hu si na tshithu tshi lwalaho, ngauralo zwo bveledza muthu a lwalaho, uri A kone u vha fhodza, u Mu ita mufhodzi.

⁸¹ Kha Fhethu Hukhethwa honoho huthihi hangei hune tshidzo ya bva hone, hu bva masamba. Kha mme onoyo muthihi na khotsi vhe vha bveledza Yakobo, vho bveledza Esau. Ni a vhona? Ndi Mudzimu. A nga si shandukise pulane Yawe. Vha tea u ya nga ndila i fanaho. Mvelo yoṭhe i do

shumisana nayo ngomu heneffo. I tea u ralo. Ni a pfectesa zwine nda amba? I i dzenisa ngomu heneffo. Hu tea u vha na muñwe muthu o xelaho, uri a tshidzwe. Huno arali ho vha hu tshi do vha hu songo vha, Ene, Yawe... Ene e Mutshidzi o ita hezwo. Vhudzivha vhu vhidza Vhudzivha.

⁸² Vhunga mutukanyana ane tshifhinga tshothe nda amba nga hae, a tshi la raba dzi bvaho kha dzipenisela, na tirapa i bvaho kha baisigira, a tshi toda tshivhavhula. Huno samusi ho vha hu na tshiñwe tshithu ngomu heneffo tsha u tama tshivhavhula, ho do tea u vha na tshivhavhula huñwe fhethu, u thoma, yo itwaho. Ho do tea u vha na tshivhavhula a sa athu vha na lutamo. Huno tshone, tshivhavhula, tsho mu bveledza, zwenezwo a humela murahu kha tshivhavhula.

⁸³ Iyo ndi ndila ine Mudzimu a vha Mutshidzi. Huno ho do tea u vha na tshiñwe tshithu tsho xelaho, u itela uri Ene a tshidze, u Mu ita Mutshidzi. Ndi zwenezwo fhedzi zwine ya khou ita, i khou tambo Mudzimu. Tshiñwe na tshiñwe, zwothe zwi Khae; hu si kha mureri, hu si kha tshividzo, hu si kha dzangano, fhedzi kha Mudzimu, uri u nanga hu kone u ima ho fhelela. Ni a vhona? Zwi kha Ene. Iina. Tsha Lutere...

⁸⁴ Huno zwenezwo ri vhona inwe phandekano, iyo yo vha i Abrahamu na Loto. Vho vha vhe vharathu. Fhedzi Loto o vha e muelekanyi a re namani. Ene tshifhinga tshothe o vha e nnnda uri a wane tshiñwe tshithu tshihulu, tshiñwe tshithu tshi re na khavhiso nnzhi khatsho. U tou fana na thoho, vhunga ndi tshi do amba, tshifhinga tshothe i tshi khou swikelela tshithu tshi penyaho. Muya uyo a wo ngo tutshela vhathe, namusi. Vha do swikelela... Vha ya mudini, huno vha nga si de kha thumba thukhu i no nga iyi. Ni a vhona? Vha toda tshividzo tshihulusa tshi re hone mudini, mufunzi o talifhesaho, hune vhathe vha ambaraho lwa khwinesa vha ya, hune nedorobo a ya, kha mudi. U kha di vha uyo maya wa Esau. Zwa vhukuma vho vha vhe na vhutanzhe, tsha u tou thoma, vha divhidza Tshividzo, fhedzi vha xeletwa ngaho ngauri vha a Vhu nyadza. Inwi ni nga si ite uri avho vhathe vha gwadame nga magona avho, huno vha lila nahone vha humbelo kha Mudzimu, huno vha bva huno vha vha na tshumelo ya phodzo, nahone vha kondelela mutovholo wa shango, vha tanganedza Muya Mukhethwa. Huno vha—vha nga si zwi ite izwo. Vha a zwi nyadza. Vha zwi vhidza "tshivhalonyana tsha vhathe vhathe." Zwe Bivhili ya amba fhedzi uri vha do zwi ita. Vha a zwi ita ngauri iyo ndi mvelo yavho. Ndi mvelo. Vhunga funguvhu na liivha, mvelo mbili. Vha a zwi tama ngauri izwo ndi zwine vha vha zwone. Vhone na kathihi vha nga si (na kathihi) vhone vhuñwe, ngauri a vho ngo bebelwa u vhona uho.

⁸⁵ Huno vhuñwe, no kundelwa uri a vhe kule naho, ngauri ndi u nanga ha Mudzimu. O bebelwa u vha munna wa maya kana

musadzi wa maya. Tshiñwe tshithu ngomu hawe tshi a vhu vhidza. Oo, ndi—ndi fhulufhela uri izwi zwi swika fhasi fhethu hune ra kona, ni kona u vhona zwine nda—nda khou amba, nga u zwi pfufha zwino. Zwino Abrahamu...

⁸⁶ Elelwani, samusi zwe vha zwi tshi tikedzana, tshivhidzo tsha mvelo na tshivhidzo tsha maya, na kathihi a zwe ngo wana phatutshedzo. Yakobo ho ngo fhatutshedzwa na kathihi u swika a tshi difhandekanya na Esau. Na Abrahamu ho ngo fhatutshedzwa na kathihi u swika a tshi difhandekanya na Loto.

⁸⁷ Loto o vha e na miñangano ya thabelo miñuku ya ene muñe tshivhidzon i tshawe henengei fhasi, a funza vharwa na vhananyana vhawé, na vhone. Fhedzi o tshila vhutshilo ho raloho, u swika, musi o no thoma u amba nga ha vhufhelo ha tshifhinga, vha mu sea.

⁸⁸ Ndi zwenezwo zwithihi ñamusi! Inwi ni amba nga ha phodzo ya Muya na maända a Mudzimu, na zwiñwe-vho, vha a zwi sea. Ndi wonoyo maya muthihi. Iyo ndi mimuya mivhili mihulwane, nga ndila ya vhurereli, yo faresaho shango; mutendi na a sa tendi, mutendi na mudzia-muhoyo, muñwe a tshi khou edzisa muñwe. Zwino musi Abrahamu o difhandekanya...

⁸⁹ Naa no dzhiela nzhele Yesu? Kha u amba Hawe nga ha U Da, U Da ha vhuvhili, O ri, “Sa zwe zwa vha zwi zwone mađuvhani a Noaxe, vha do vha vha tshi khou la, u nwa, u mala, na u maliwa.” Fhedzi musi A tshi amba nga ha mađuvha a Loto, na kathihi Ho ngo amba tshithu nga hazwo. “Sa mađuvha a Loto,” izwo ndi zwa nzumbululo.

⁹⁰ Sedzani zwe zwa bvelela mađuvhani a Loto. Ho vha hu na Loto ngei fhasi Sodoma, o dzula fhasi zwavhudí, nga ndila ya u ḥalifha, a vha, muñwe wa vhanna vhahulu vha muđi, muhaṭuli, a dzula dzikhoroni huno a haṭula vhathu. Mufumakadzi wawe o vha e wa madzangano othe e a vha e hone a muđi. Huno vhananyana vhawé, na vhone vhothe, vho maliwa vhukati ha vhathu vha re na bvumo, vho ḥalifhaho, vho funzeaho zwihiulu, vho thanyaho, vha pñsesaho nga u ḥavhanya. Huno Abrahamu o vha a tshi dzula denndeni fhasi ha muouku. Fhedzi nga liñwe đuvha vhuvhili havho vha dalelwa.

⁹¹ Huno ho vha hu na mureri o ḥalifhaho we a tsela fhasi huno a rera, huno a vha vhidzela nnđa. Sedzani kha—sedzani kha mulaedza, “Ibvani,” o amba na Loto.

⁹² Huno na kathihi o vha a tshi do vha a songo vhidzelwa nnđa arali ho vha hu songo vha khathutshelo ya Abrahamu. Ho pfi, “Naa ndi nga wana vhanna vha futhanu, naa U do u vhavhalela? Naa ndi nga wana vhanna vha furaru? Naa ndi nga... Arali nda wana vha fumi?” Afho ndi u swika hune a nga ya. Huno O kundelwa na u wana vha fumi vhukati havho.

⁹³ A zwi mangadzi, “Sa zwe zwa vha zwi zwone mađuvhani a Noaxe.” Elelwani, Noaxe o vha e si tshifanyiso tsha Tshivhidzo; Enokho o vha e tshone, tshe tsha sa fhire kha vhutungu, fhedzi tsha shandukiswa vhuṭungu vhu sa athu dzhena. Enokho o ya Hayani, ho ngo fhira vhuṭunguni. Noaxe o fhiriswa.

⁹⁴ Zwino, sedzani zwavhuđi zwino musi ri tshi sudzulutshela ngomu kha izwi. Sedzani uri ndi lushaka-de lwa tshiga tshe vha Abrahamu na muća wawe vha tshi wana. Vho wana tsha N̄tha Ha Mupo. “Abrahamu!” Naa O zwi ḋivha hani uri o vha e Abrahamu? “Naa mufumakadzi wau u ngafhi, Sarah?” Naa O zwi ḋivha hani uri o vha o malwa, kana o vha e na mufumakadzi, Sarah?

“U denndeni.”

⁹⁵ Zwino, Munna o dzula heneffo, a tshi khou la ḥama, a tshi khou nwa mafhi, nahone a tshi khou la tshinkwa tsha mavhele. “Naa u ngafhi, naa u ngafhi mufumakadzi wau, Sarah?” Naa O ḋivha hani itsho tshithu? Naa O tshi ḋivha hani? Zwi elekanyeni. Inwi ni vhidza... Vhoiwi vhathe vha maya, i ri ni izwi zwi dzhene ngomu hañu. Naa O zwi ḋivha hani izwo, musi A tshi ita sa mutsinda, busé li kha zwiambaro Zwawe?

Huno musi Abrahamu o ri, “U denndeni, murahu Hau.”

⁹⁶ Huno A ri, “N̄ne ndi khou ya u...” “Ndi, Ndi,” lisala la vhune. “Ndi,” uyu Munna, Mudzimu a tshi Didivhadza ḥamani. Mudzimu! Abrahamu o Mu vhidza Elohim. “N̄di, N̄ne ndi khou yo u dalela. N̄ne ndi khou yo vhulunga pfufuhedziso Yanga. Huno u ya nga tshifhinga tsha vhutshilo, N̄ne ndi khou yo u dalela, huno u khou yo vha na uyu mutukana we Nda amba na iwe nga hae.” Huno Abrahamu, e na ḫana; Sarah, e na fuṭahe.

⁹⁷ Huno Sarah, murahurahu denndeni; dennde ṭukhu dzi no todou swika nña, dennde khulwane yo dzula murahu. Nga murahu ha zwilabi, o vha a tshi khou thetshelesa. O zwi pfa. Huno fhasi mbiluni yawe o mwemwela, a ri, “N̄ne, musadzi wa kale wa miřwaha ya ḫana, nahone murena wanga,” munna wawe, “murena wanga, nahone e wa kale, huno nda elekanya zwauri ri do vha na u ḋiphina rothe hafhu, sa tshivhili tshiswa tsho malaho? Oo, naa zwi nga vha hani?” Huno a nga u a sea.

⁹⁸ O vha o ita uri mućana Wawe u furalele dennde. A ri, “Ndi ngani o sea?” Oo, mukomana, khezwo!

⁹⁹ Sedzani tshivhidzo tsha ḥama tshi tshi wana Mafhungo-madifha a tshi rerelwa vhone. Ene Billy Graham wa musalauno na vhone henengei fhasi vha tshi khou rera Mafhungo-madifha, “Ibvani khało!” Fhedzi vho ḫa? Hai. Vha si gathi nga maanda, nga maanda, nga maanda.

¹⁰⁰ Sedzani tshigwada tsha Abrahamu, tsho vhidzelwaho nn̄da. Zwino dzhielani nzhele. Huno U mu ḥea itshi tshiga,

huno a Mu tenda. Huno A ngalangala phanda hawe, huno a tuwa. Oo, nga ndila ye tshifhinga tshothe ya vha phandekano, vho vhidzelwaho nnda!

¹⁰¹ Zwino, iyi mimuya mivhili. U t̄avhanya na vhoinwi, u t̄avhanya zwino u swika fhethu hanga hune nda ḥoda ni tshi vhona. Izwi zwigwada zwivhili two tikedzana tsini, u tsa fhasi hothe kha zwikhathi, u bva u rangani honoho ha tshifhinga; tshivhidzo tsha mvelo, tshivhidzo tsha muya. Vho fhira kha Testamente Ndala, vha fhira kha Testamente Ntswa, huno vha kha di vha fhasi ḥamusi.

¹⁰² Zwino, miñwaha i no ḥodou swika zwigidi zwivhili yo fhiraho, two da ḥohoni, huno zwa livha ḥohoni kha vhanna vhavhili: muñwe wavho, Yesu Kristo; muñwe, Yudas Iskariote. Zwino, Yesu o tikedza U Da, ha U Da ha vhuvhili Hawe, uri iyi mimuya mivhili i do vha yo fhambanaho nga maanda u fhira zwe ya vha i zwone ngei murahu. Zwino hafha ndi hune nda ḥoda inwi ni tshi ambara zwiambaro zwañu—zwañu zwa Vhugala. Iyi mimuya mivhili i khou yo vha yo fhambanaho. Ngauri, Sañhane o da huno a tshila kha munna we a vha e murado wa tshivhidzo, Yudas Iskariote, a tshila tshivhidzoni tsha ḥama, nahone o vha e khonani ya tshivhidzo tshifhinga tshothe. Fhedzi o dzhena huno—huno a fhura, kana a elekanya uri o vha a tshi khou fhura murathu wawe. O dzhena huno a diita u nga ndi muñwe wavho; a thetshela zwithu zwavhuđi zwa Mudzimu, a tshimbila heneffo Muyani, a tshi vhonala o ralo, a bva huno a rera Mahfungo-madifha, nahone a pandela vhodiabolo. Fhedzi fhasi khae, tshifhinga tshothe, o vha e Yudas, tsha u tou thoma. Bivhili yo ri, “O bebwa e murwa wa tshinyalo.”

¹⁰³ Zwino elelwani, ho vha hu na tshivhidzo tsha ḥama ngei murahu, ene Esau, Vhafarisei na Vhasadukei.

¹⁰⁴ Fhedzi sedzani uyu muthu ane a elekanya uri ene muñe u tou vha... U do tshimbila na Mulaedza lwa tshifhinganyana, fhedzi u tou vha a sa ḥodi u vhea zwanda zwawe lwo kalulaho Khawo. Ni a i vhona iyo mimuya? Yesu o ri, “I do vha tsini nga maanda na tshithu tsha vhukuma, i do fhura vhenevho Vhanangiwa,” Vhanangiwa, arali ni tshi do zwi dzhiela nzhele, “arali two vha zwi tshi konadzea.” Fhedzi a zwi konadzei. Ni a vhona, i do fhura.

¹⁰⁵ Zwino sedzani, hu si tshivhidzo tsha ḥama fhedzi, itsho tshi re ngei nnda, tshivhidzo tsha ḥama tshi re kushumele kwa misi, tshigwada tsha Esau.

¹⁰⁶ Riñe zwino ri na tshigwada tshi no tenda kha Yudas, tshire tsha vha uri tshi na vhukwila nga kulesa, tshi na vhukwila nga kulesa, tshi tshi da heneffo ḥha ngomu zwandani zwenezwo zwa phaṭhutshedzo. U tou fana na kha Vhaheberu 6 na 10, nga ndila ye a ri, “Vho no itwaho vha re na mukovhe nahone vha thetshela maanda a shango li no do da,

nahone vha ita izwi zwithu zweithe; arali...huno zwenezwo arali vho tanganedza ndivho ya Ngoho, huno zwenezwo arali nga khole vha tshi zwi furalela.” “Nga khole,” naa izwo ndi mini? “Vha tshi dzhia Malofha a mulanga, e ngao vha khethethfadzwa, tshithu tshi si tshikhethwa.”

¹⁰⁷ I ri ni ndi ni nee tshifanyiso. Ngetshi. Ngoyu munna, ndi muthu wavhudzi, mutukana a takadzaho. O vhidzwa, u a zwi pfa mbiluni yawe zwauri u todou vha mushumeli. Zwo luga, u tanganedza Yesu sa Mutshidzi wawe. Ndi mutukana a takadzaho, a hu na muthu ane a nga amba tshithu tsha u lutana nae. Nga murahu ha tshifhinganyana, thoho ya khethethfadzo. Uyo munna u a emula musi a tshi sedza vhasadzi. Ene...Zwi khae. Ni a vhona? Huno zwenezwo, tshithu tshi tevhelaho, khamusi o daha, nahone u todou daha. Khamusi u todou gembula. Khamusi u todou ita tshiñwe tshithu tsho vhifhaho. U a zwi divha zwauri ho ngo tea u ita hezwo, ngauralo u ri, “Oo Mudzimu, shumisa Malofha a Yesu kha nne, huno u nkhetethfadze.”

¹⁰⁸ Huno u a khethethfadzwa. U kona u tavha mukosi, a renda Murena, a ita zwiñwe zwithu, na zwone-vho, a ya nnnda huno a ita tshithu. Elelwani, Yesu o ri ulwo lushaka lu do vha hone nga ilo duvha. “Vhanzhi vha do da huno vha ri, ‘Murena, naa a tho ngo porofita, nda rera? Naa a tho ngo pandela vhodiabolo, nga Dzina Lau?’” Yesu o ri, “A tho ngo vhuya nda ni divha, inwi mudzia-u-tshinya.” Ni a vhona, ngevho.

¹⁰⁹ Zwino sedzani izwi zwino. Riñe ri khou da kha u ita mavhudzi a milioni ya vhuhana, heneffo fhasi kha lumeme lwa vhuhali lwa Mafhungo-madifha, “Li na vhuhali u fhira banga la mutsheahothe, li tshea u swika na kha u fhandakanya shambo, nahone Muṭalukanyi!” Haleluya! Mudzimu, i ri zwi fhire. “Muṭalukanyi wa mihumbulo ya thalukanyo.” Ayo ndi Mafhungo-madifha, Maanda a Mudzimu. Ipfi la Mudzimu lo vhonadzwaho ndi Mafhungo-madifha.

Inwi ni ri, “Bivhili yo amba. Illo ndi—ilo ndi Ipfi la Mudzimu.”

¹¹⁰ Zwo ralo, Ipfi lo vhonadzwaho ndi Mafhungo-madifha. Mafhungo-madifha o da kha riñe hu si nga kha Ipfi fhedzi, fhedzi nga kha maanda na tsumbedzo dza Muya Mukhethwa, u sumbedza Maanda, u ita uri Mafhungo-madifha a tshire.

¹¹¹ Musi ndo ya ngei India, atshibishopo wa—wa tshivhidzo tsha Methodisi a bva, a ri, “Vho-Branham, a ri todii u divha tshiñwe tshithu nga ha mufunziruñwa. Ri divha zwo engedzeaho nga ha Bivhili u fhira zwine vhoinwi nothe na do vhuya na zwi divha.” Ha pfi, “Riñe ro vha ri tshivhidzo, huno ra dzula hafha miñwaha ya zwigidi zwivhili ni sa athu vha lushaka.” Izwo ndi zwone. Fhedzi a ri, “Riñe ri pfa zwauri Mudzimu o ni dalela huno a disa tshifhiwa tshine tshi nga

ita uri iyi Bivhili i tshile.” Ha pfi, “Izwo ndi zwine ra zwi takalela.” Yawee, nñenñe! Ni a vhona, uyo munna o vha e murwa, hu si muduhulu, vhunga Dafita o amba. Ni a vhona? “Ri ḥodou ḫivha. Naa ndi ngoho?”

¹¹² Nda ri, “Zwa vhukuma, ndi ngoho. ‘Yesu Kristo a sa shanduki mulovha, ɣamusi, na lini na lini.’”

¹¹³ Zwino, mu dzhieleni nzhele, tshivhidzo tsha mvelo tshi tshi tovhola tshivhidzo tsha maya. Zwino, ri a wanulusa zwenezwo uri Yudasi a tshi khou ita unga ndi murathu, murathu, huno zwenezwo a ya n̄tha huno mafhedzisloni a swika magumoni.

¹¹⁴ Zwino sedzani uyu mureri muswa. U da fhethu, a ri, “Murena, ndo vha ndi tshi khou sedza vhasadzi. A thi tei u ita hezwo. Ndo vha ndi tshi, u a ḫivha, nga ndi khou ita zwithu zwa shango. A thi tei u ita hezwo. Ndo vha ndi tshi khou shumisa tshelede yanga kha migado ya dzibere. A—a thi tei u ita hezwo. Ndo—ndo vha ndi tshi khou ya shouni dza zwifanyiso vhusiku vhuñwe na vhuñwe. A thi tei u ita hezwo. Ndi diphina na nga zwifanyiso zwa vhuada na zwithu zwa u ralo, ndi na zwifanyiso zwe nembelelaho lufherani lwanga. A thi tei u ita hezwo. Izwo ndi zwithu zwa shango. Nkhethefhadze, Murena!”

¹¹⁵ Huno Murena a ri, “Zwo luga, Ndi do zwi ita hezwo.” U shumisa Malofha a Yesu Kristo huno a mu khethefhadza.

¹¹⁶ Zwenezwo, musi a tshi ita izwo, nga vhuñwe vhusiku u a fhira huno u pfa tshiñwe tshithu. U a ya huno a thetshelesa. U pfa nga ha ndovhedzo ya Muya Mukhethwa, u dala nga Muya. Zwenezwo u a sedza ngomu hazwo, “Yawee, nñenñe, a zwi mangadzi izwo! Fhedzi, a ri, izwo zwi do lozwa mushumo wanga arali ndo rera hezwo. Izwo zwi do ita uri mma vha ite uri ndi shavhe hayani. Vha do mpandela tshivhidzoni tshanga arali ndo vhuya nda dzhena ngomu ha hezwo. Oo, ndi khwine ndi tshi tutshela kule ha hezwo. Fhedzi i ri ndi zwi sedze nga khayo. Ee, iyo ndi Ngoho, Bivhili.”

¹¹⁷ Zwo ralo, vhunga munwe mushumeli a ḫivheaho, a ḫiwaho shangoni loþhe, a wanwa zwa zwenezwino (nga munna we a vha e na nñe ngei Puerto Rico) e kha magona awe, a tshi khou amba nga dzindimi, ngei London, England; munna wa maanda, muñwe wa vhaevangeli vhahulwanesa shangoni ɣamusi. Huno uyu munna, mukomana wawe o vha e na nñe fhano, munna o dalaho Muya, a gidimela khae huno a ri, “Oo, mukomana, izwo ndi zwone.”

¹¹⁸ A ri, “Ndi a zwi ḫivha. Ndi a zwi ḫivha. Fhedzi, sedzani, i ri ni ndi ni vhudze tshiñwe tshithu.”

¹¹⁹ A ri, “Zwi rereni zwino. Zwi rereni. Iyi ndi awara. Nga thuthuwedzo yanu, ni nga dzinginyisa shango.”

¹²⁰ A ri, “Hai, ndi nga si kone u zwi rera. Ni a vhona, tshi—tshivhidzo tshi do ntanutshela. Ndo kundelwa u rera hezwo. Ndo kundelwa u zwi ita.” Oo, mukomana!

¹²¹ “Vho tanga-...vho no khethefhadzwaho huno vho da vha tanganedza ndivho ya Ngoho, vha sedza ngomu Halo, vha vhona uri Ndi lone; huno vha li furalela, hu tshi vhonala uri vha divhambela Murwa wa Mudzimu, huno vha Mu vhea kha thoni dici re khagala, vhe na thoni dza Mafhungo-madifha.”

¹²² Paulo a ri, “Nne a thi na thoni dza Mafhungo-madifha a Yesu Kristo, ngauri Ndi Maanda a Mudzimu kha tshidzo.” Ndi Maanda a Mudzimu a tshi shuma vhukati ha Tshivhidzo Tshawe.

¹²³ Fhedzi vho ri, “Ndo kundelwa u ita hezwo.” Uyu munna o ri, “Vha do elekanya uri ndi wa pentekoste. Vha do nnyita...” A ri, “Phungo yanga—yanga i do lozwea.” Oo, mukomana!

¹²⁴ A thi na phungo. Nne ndi khou elekanya nga ha Yawe. Phungo Yawe, iyo ndi Yone.

¹²⁵ Fhedzi vhonani ndila ine vha nga da tsini Halo, ni a divha, “Huno vha dzhia Malofha a mulanga e ngaho a khethefhadzwa, tshithu tshe tsha mu khethefhadza huno tsha mu bvisa shangoni, huno a lingedza u mu vhea nga hangeno Hafha. Huno zwenezwo u a Li sedza, nahone u na ndivho Yalo. U Li furalela, a hu tshe na tshidzimu tsha tshivhi,” yo amba Bivhili, “fhedzi u sedza khatulo i vhonalahi i tshi ofhisa na mbiti i dugaho i tea, i do, ine ya do mila swina. ‘Ngauri ndifhedzo ndi yanga,’ u ralo Murena. Uyo we a nyadza mulayo wa Mushe, o fa hu si na khathutshelo, fhasi ha thanzi mbili kana tharu. Zwi do simesa hani phanishimennde, nahone phanishimennde i vhavhaho u fhirisa, naho o fanela, mushumeli we a kandekanya Malofha a Yesu Kristo fhasi ha milenzhe yawe, nga murahu ha u tanganedza ndivho ya Ngoho, huno a A dzhia sa tshithu tshi si tshikhethwa.” Whew!

¹²⁶ Ni a vhona hune ra vha hone? Yesu o ri, “Ni thogomele.” Ni a vhona uri Yudasi o vha e hani? O vha e heneffo navho. O vha e ene Esau, o itwaho muhulwane u fhirisa wa tshino tshikhathi. O vha e mufhuri, muedziseli, o itwaho muhulwane u fhirisa wa tshino tshikhathi. Hafha u a da u swika heneffo, hafhu, kha murathu wa Yesu, murathu o diitisaho. Fhedzi mbiluni yawe, o vha e na tshivhidzo tsha kale tsha nama tshifhinga tshothe, ngauri afho ndi he a rengisela Yesu hone. O rengisa Yesu, vhutanzhe hawe, u tou fana zwinzhi na zwe Esau a ita a tshi itela swobo ya vhuada. O rengisa vhutanzhe hawe nga masetha a furaru.

¹²⁷ Vhunzhi ha vhanna na vhasadzi namusi vho rengisa vhutanzhe ha myua havho u itela huwe u takalelwa, tshiwe tshithu tsha shango tshine na kathihi na si tshi kunde; huwe huuku, vhasadzi, u ambarwa ha zwidolo na u fhungudzela mavhudzi, vha tshi ambara zwiambaro zwipfufhi; vhanna, u itela miswaswo mituku ya tshika na u daha dzisigarete, tshiwe tshithu tsha shango. “Arali ni tshi funa shango kana zwithu zwa shango, lufuno lwa Mudzimu a luho kha inwi,” yo amba Bivhili.

¹²⁸ A thi ḥodi u ni vhaisa, fhedzi ri khou swika kha vhufhelo. Ri khou ḫa n̄ha zwino, ri khou ḫa n̄ha ha ḥeri nga u ḥavhanya zwino.

¹²⁹ Ni a vhona uri zwi hani? Vha a zwi ita. Vho tiwa. Vha nga di edzisela huno vha tou vha vhavhuḍi na vha dītukufhadzaho, vha tshi tou vha tsini, vhunga Vhakriste, tsini nga maanda lune zwa ḫo fhura vhenevho Vhanangwi; fhedzi nga mitshelo yavho ni ḫo vha divha.

¹³⁰ Musadzi o ambaraho dzishothi, na kathihi ho ngo vhonala vhunga Mukriste, kha n̄ne. Bivhili yo ri, “Ndi tshithu tshivhi nahone tshi shonisaho musadzi a tshi ḥunya mavhudzi awe.” Ndi musadzi muthihi fhedzi Bivhilini we a vhuya a pennda tshifhaṭuwo tshawe, o vha e Jesebele.

¹³¹ Hani-ha nga ha vhanna, vhoiñwi vhanna vhanne na tea u vha vhanna vha Vhakriste, huno na tendela vhafumakadzi vhanu u ita hezwo? Ngeno, Mudzimu a tshi ḫo ita uri ni vhe na vhuḍihinduleli hazwo! Hu si munna! Wa ḥama! “Oo, zwenezwo ndi ḫo bva huno nda vha murado wa itshi tshivhidzo.” [Tshikhala kha theiphi—Mudz.] “...inwi ni elekanya nga hazwo.” Izwo zwi tou vha kokotolo zwe Luñwalo lwa amba zwauri vha ḫo ita, huno izwo zwi tou vha kokotolo zwe vha ita. Huno izwo ndi zwine vha ḫo ita, u leludza!

¹³² Muñwe o ri, “Billy, arali izwo ni sa zwi imisi, ni ḫo ita uri muñwe na muñwe a shavhe.”

¹³³ Hu na Tshithu tshithihi tshire tsha sa ḫo tuwa, Muya Mukhethwa, ngauri Ndi Ipfi Lawe. Huno mutendi o tiwaho wa vhukuma a nga si ḥuve, ngauri Ndi Zwiliwa kha maya wawe. U a Zwi funa. A hu na tshire tshi nga ita uri a vhe kule Nazwo. U ḫo ita tshiñwe na tshiñwe, vhunga Yakobo, fhedzi u ḥoda uvho vhutanzhe. U ḫo ima henefho. A thi londi arali zwi tshi dzhia khonani iñwe na iñwe ine a vha nayo, arali zwi tshi dzhia mushumo wawe, arali zwi tshi dzhia vhurado ha tshivhidzo hawé, arali zwi tshi dzhia tshiñwe na tshiñwe. U ḫo di farelela khaho, ngauri a hu na uri a si zwi ite. Hu na tshiñwe tshithu khae, tshi no khou mu tshimbidza, vhudzivha vhu tshi vhidza Vhudzivha. Oo, khezwo, tshiñwe tshithu khae!

¹³⁴ Sedzani, tshiñwe na tshiñwe tshire na ḥoda u tshi wana Bivhilini, huno na tshi doba hafha, na humela murahu kha Genesi huno na vhona he tsha thothonyiwa hone, na vhona hune tsha ḫa hone. Mimuya yothe na mitshimbilo ḥamusi zwi humela murahu kha Genesi. Izwo ndi zwe ra ita, u ni sumbedza izwi zwithu zwine na khou zwi vhona, dzikhonani. Ni songo zwi hangwa hezwo. Ni songo zwi tendela u pfuka nga n̄ha ha ḥohoh yañu. I ri ni zwi nwelele ngomu hañu. Izwo ndi zwithu zwa Mudzimu. Zwi ḫa ḥohoni; huno Yesu o bvumba uri zwi do ḫa hafhu ḥohoni mađuvhani a u fhedzisela, huno zwi ḫo vha nga hezwi: Luswayo lwa Mudzimu, na luswayo lwa livhanda; maanda a maya mavhili a tshi khou shuma othe.

¹³⁵ Zwino, muñwe na muñwe u a zwi ñivha zwauri Luswayo lwa Mudzimu ndi vhutanzhe, ndovhedzo ya Muya Mukhethwa. Vhaefesa 4:30, i ri, “Ni songo tungufhadza Muya Mukhethwa wa Mudzimu, we ngawo na swaiwa u swika ñuvha la thengululo yanu.” Musi vho no bebwa hafhu, vho ñadzwa Muya Mukhethwa. Muya Mukhethwa ndi Mbebo ntswa, ri a zwi ñivha hezwo. Inwi no—inwi no bebwa nga Muya, ndi ño tenda hezwo. Fhedzi u swika ni tshi bebwa!

¹³⁶ Hu na lushie lwo sikiwaho mbumbeloni ya mme alwo, lu na lushaka luthihi lwa vhutshilo. Uvho ndi vhutshilo, huno dzalwo ñukhu... sele ñukhu kha muvhili walwo dzi khou thwisita na u raha na u fhufha nga *iyo* ñdila. Fhedzi musi lu tshi bebwa, lu na... [Mukomana Branham u vhanda zwanda zwave luthihi, a tshi khou edza u vhanda—Mudz.] nga *iyo* ñdila, huno zwenezwo u a tzhemra, a vha muya u tshilaho.

¹³⁷ Huno lushie lu nga kona u ya tshivhidzoni huno lwa ri, “Oo, ndi tenda kha tshivhidzo. Ndi, ndi ño ñuwa, ndi ño ita *itshi*. Huno nne ndi wavhudzi... Ndi todou ita zwi re zwone, ndi ñodou ita zwi re zwone.” Fhedzi tshire lwa ñoda ndi u vhandiwa nga Mafhungo-madifha uri lu vuwe, u tzhemela kha Vhutshilo Vhu Sa Fhelî; huno Muya Mukhethwa u zhamba u khalwo, vhunga A u athu zhamba. Zwenezwo ndi tshivhumbwa tshiswa, tsho bebwa nga Muya. Zwenezwo tshi thoma u aluwa, u tshimbila, huno lwa vha na vhuvha halwo kha Mudzimu; ni a vhona, u tou fana na lushie, lushie lwa mvelo, lu na vhuvha halwo shangoni.

¹³⁸ Zwenezwo arali iyi thaberenakele ya lifhasi yo no thuthiwa, ri na inwe yo lindelaho, ni a vhona. Vhunga hu tshi tou vha na ngoho sa muvhili wa mvelo wo vha u tshi khou bvelela, hu na muvhili wa muya wa u u ñanganedza musi u tshi wa u tshi bva kha mme awo. Huno musi u tshi wa u tshi bva kha mme, lifhasi, une wa vha uri, u mbumbeloni yaþo zwino, u tshi khou gomela, u tshi khou lila, (Oo Mudzimu!), u tshi khou gomela, u tshi khou shuma, u tshi khou vha wa kale, huno vhulwadze, na tshiñwe na tshiñwe tshii tshi khou u tanga, huno muya ngomu hawo u tshi khou ñoda shango li re seli ha mulambo. U khou gomela, u khou thwisita, u khou fhufha, (ee, mune wanga) ngauri hu na vhutshilo ngomu heneffo vhune ha tshila lini na lini. Vhu kha muvhili u no khou tea u fa. Huno nga tshiñwe tshifhinga, u tou fana na mme o wisa lushie lwa mvelo, huno muvhili wa muya wa lu wana; lifhasi li ño wisa, huno muvhili wa mvelo u ño wisa, huno muvhili wa ñama... kana muvhili wa lutomboni u ño u zhuvhula hangei. Arali iyi thaberenakele i tshi ño thuthiwa, ri na inwe yo lindelaho. Itsho ndi tshone tshi itisaho uri ni hangwe zwithu zwa shango. Zwo fa, kha inwi. Ngoyo Muya.

Zwino i sedzeni musi ri tshi tshimbila zwino, mimuya mivhili.

¹³⁹ Muya Mukhethwa ndi Mbebo ntswa, ri a zwi divha hezwo. Ndi u bebwa hafhu, nga Muya wa Mudzimu. Iyo ndi ndila ine ra bebwa, nga Muya. U bebwa nga Muya, iyo ndi Mbebo ntswa. Zwo luga. Inwi no sikiwa nga Muya; zwenezwo musi ni tshi bebwa nga Muya, ni dadzwa Muya Mukhethwa. Zwo luga.

¹⁴⁰ Zwenezwo musi iyi mivhili i kha lifhasi, wa mvelo na wa muya, nga zwiñe zwifhinga yone... Ndo no zwi vhona izwi. Zwino u valani, ndi ḍodou da kha u vala zwino, nga u amba izwi lwa miniti i si gathi. Kha wa mvelo kana kha wa muya, muñwe wayo... Zwino ndi a fhulufhela uri muñwe na muñwe u a zwi pfesesa izwi. Zwino itonu fhumula nahone ni vhe na khuliso u ya nga hune na kona.

¹⁴¹ Zwino, no no vhuya na vhona izwi? Inwi ni a vhona zwivhidzoni zwashu ñamusi, na kha zwigwada zwe ra difhandekanya nazwo huno ra ita madzangano; huno ro no vhona zwothe izwi. Huno no no vhona munna a tshi doba luñwe Luñwalo, huno, mukomana, uyo munna u a kona u dzhia ulwo Luñwalo huno a ita uri lu tshile nga huswa, a lu ita uri lu tshile kokotolo zwe lwa fulufhedzisa hafha Bivhilini. Huno munna a tevhelaho u do mu vhona a tshi zwi ita, huno u do da heneffho huno a lingedza u zwi ita, huno a kundelwa. Ndi fhulufhela uri ni khou vhala zwino. U do kundelwa. Ndi ngani? Luñwalo a lwo ngo hevhedzwa khae. U khou lingedza fhedzi u edzisela. U khou lingedza u difara vhunga tshiñe tshithu. O vha a si... Zwo luga, khamusi o vha o ruñwa nga munna. Khamusi muñwe munna o ri, "Zwo luga, inwi ni nga ita zwenezwo zwithihi." Ni a vhona, u tou fana na Yesu o amba uri zwi do vha nga iyi ndila. Bivhili i a zwi bvumba mađuvhani a u fhedzisela, "Vhunga Yannesi na Yamburesi vho pikisa Mushe."

¹⁴² Heneffho ha ima Mushe, huno heneffho ha ima Yamburesi. Huno Mushe a posela lubada lwawe phasi, huno lwa vha ñowa. "Malandu," Farao a ri, "idani hafha, Yamburesi, inwi ni nga ita zwenezwo zwithihi." Huno a ita, ni a vhona. Fhedzi ho bvelelani? Zwenezwo lubada lwa Mushe lwa la lubada lwawe. Ni a vhona, zwo vhonadzwa. Naa lubada lwawe lwo vha lu ngafhi?

¹⁴³ U tou fana na mutalukanyo wa tshipfi tsha nthesa. Zwi nga zwiñe zwa u davhidzana na vhafu. Zwi nga zwiñe zwa izwi zwivhidzo zwine zwa tenda nga ndila ya ñama, kule-kule. Zwithu zwa... Vha ri, "Malandu, izwo zwo vha zwi zwa liñwe duvha." Vho vha vho bva tshothe. Fhedzi sedzani uyu muya mađuvhani a u fhedzisela i tshi ya u edzisela Muya wa vhukuma. Ni a vhona? Heneffho ndi hone hune vhuleme hanu ha bva hone. U tou fana kokotolo na uyo u re wa vhukuma, ni a vhona; fhedzi o kundelwa u u vhonadza, o kundelwa u u ita uri u fare, o kundelwa u u ita uri u lalamé. Oo Mudzimu!

¹⁴⁴ Vhatu vha a da huno vha ri, "Ndi na Muya Mukhethwa, na nn̄e-vho." Sedzani ndila ine vha tshilisa zwone; a i lalami

u bva kha iñwe mvuseledzo u ya kha iñwe, u bva kha muñwe muñgano u ya kha muñwe. Zwo vhonadzwa, a vha Nawo. Arali munna o bebwā nga Muya wa Mudzimu, kana musadzi, vha na mitshelo ya Muya. Vha tshimbila vha tshi ofha Mudzimu. Vha tshila uvho vhutshilo. Ni a vhona? Vha vha kule na zwithu zwa shango. Mudzimu u tshimbila ngomu havho huno u a Divhonadza, huno a sumbedza uri Ndi Mudzimu a no khou shuma ngomu henehfo. Muñwe u khou edzisela. Ni a vhona?

¹⁴⁵ Nyedziso, idzo ndi dze dza vha dzi zwone nqilani yoğhe u tsa fhasi, u edzisela. Sedzani Ishmaele, na Isaka; na fhasi hothe, ni a vhona, u edzisela. Sedzani muporofita Mushe, nahone ni sedze muporofita Biliamu. Ni a vhona? Vhonani uri vha tsela fhasi hani! Sedzani Yudasi, nahone ni sedze Yesu.

¹⁴⁶ Huno Yesu u a bvumba uri uyu Muya Mukhethwa, mađuvhani a u fhedzisela, u do vha Luswayo lwa Mudzimu. Zwino, naa luswayo lwa livhanda lu do vha lufhio? Lu do vha u landula Luswayo lwa Mudzimu. Ngauri, vhothe vhe vha sa vhe na Luswayo lwa Mudzimu vho vha na luswayo lwa livhanda. Huno arali hu tswayo mbili dza mya, luñwe lwadzo lu do vha luswayo lwa ngoho lwa Mudzimu, luñwe lu do vha u gunea. Naa ni kona u zwi vhona?

¹⁴⁷ Sedzani luswayo kha Testamente Ndala. Musi porompiña yo vhudzula, mihevho, miñwaha mingafha miñwe na miñwe, phu-phuli dzo vhofhololwa ngauri porompiña yo lila. Zwo ralo, muñwe na muñwe we a ḥoda u vhofhololwa, o kona u tuwa. Fhedzi vhañwe vhavho, vho funa u vha dziphuli, ngauralo vho vha isa kha alitari na kha thanda ya tshivhidzo, huno vha phula nñevhe dzavho nga murumbulo. Huno vho swaiwa lwa lini na lini, tshifhinga tshothe vho shumela uyo muñe.

¹⁴⁸ Huno ñamusi inwi ni do pfa mulaedza wa Mafhungo-madifha nga ha Ngoho, “Zwino ni nga kona u vhofhololwa arali ni tshi ḥoda,” Mudzimu u amba na inwi. Fhedzi musi ni tshi da nthia kha ulwo lukombo hafha huno na sedza nga hangei, huno na vha na ndivho ya Ngoho, huno zwenezwo na huma, u a ni phula nñevheni huno tshifhinga tshothe ni do vha mutendi wa u talifha. Ni do vha wa vhurereli huno na ya tshivhidzoni, fhedzi na kathihi na si ṭanganedze Muya Mukhethwa. Ni a vhona, zwenezwo ni do shumela zwezwo duvha lelo lo salaho lañu. Zwino, luswayo lwa livhanda, kana Luswayo lwa Mudzimu. Huno ri khou da tsini nga maanda.

¹⁴⁹ Zwino, sedzani, Ipfi li tea u vha lo hevhedzwaho; u Li pfa, u Li limuwa, na u ita u ya nga Haño. Vhatu vhanzhi vha do pfa, fhedzi a vha nga Li limuwi.

Mudzimu u do ri, “Iyi ndi awara yañu.”

¹⁵⁰ “Ndi nga si vhe muvhumbuluwi-mukhethwa. A—a thi ḥodi tshiñwe tsha Hezwo.” Ni a vhona, a vha Li limuwi.

¹⁵¹ Ri do ya miṭanganoni, Muya Mukhethwa muhulwane u do tsela fhasi. Ndo vha ndo dzula heneffo nga liñwe ḫuvha, musi bono li tshi bvelela huno nda bvumba kokotolo mini. Nda ri, “Hafha hu da muthannga.” “Idani hafha,” a sumba iyo hwęta, “ni na vhuleme ha mbilu nahone ni khou ḫoda . . .”

“Iina. Izwo ndi zwone kokotolo.”

¹⁵² “Ni a vhona uyo musadzi a no khou da heneffo?” “Idani hafha. Ni na tshizwimbo kha khana, huno tshi kha khana ya tsha monde, nahone ni kha tshivhumbeo tsho vhifhaho nga maanda. Huno ni muitazwivhi nahone a ni . . .”

“Ndi zwone kokotolo.”

¹⁵³ Avho vhanna vho dzulaho heneffo, vha sedza u mona hoṭhe, vhareri na vhoṭhe, ha pfi, “uh-huh!” U ya muṭanganoni, sedzani Muya Mukhethwa u tshi bva heneffo nga kha muṭangano huno wa amba zwiphiri zwa dzimbulu, zwithu zwa u ralo. Hu pfi, “Zwi a mangadza. Ndi a humbulela. Iina.” Ni a vhona? Oo, mukomana! Ni a vhona? Zwi—zwi—zwi kha liñwe sia, hu na tshiñwe tshithu tsho bvelelaho. Vhasadzi vha do isa phanda na u ya phanda, vha tshi khou ita zwenezwo zwithihi. Vhanna vha do ya henengei murahu, u fana na nguluvhe ya mboho u vhumbuluwani hayo na mmbwa kha maṭanza ayo, zwi tou fana. Naa a ni vhoni? Zwino nne ndi khou amba na ḫo- . . . lone . . .

¹⁵⁴ Ni a vhona, ni fanelu u limuha-ha, khonani, nyimele ine na vha khayo. Itscho ndi tshone tsho itisaho uri iyi theiphi, ndo ri, “Kha tshivhidzo fhedzi.” Ni a vhona? “Tshivhidzo fhedzi.” Arali no vhidzwa u bva tshedzani . . . u bva swiswini u ya kha Tshedza, u bva lufuni u ya kha Vhutshilo; u bva kha muṭalukanyo wa maitele, wo ḫalifhaho wa Kristo, u ya kha tshenzhemo ya u bebwa hafhu; huno ni tshi khou sedza vhutshilo hañu, uri vhu vhea zwithu zwa shango nga thungo, huno na imela Kristo, hu si na u londa; zwenezwo tshiñwe tshithu tsho bvelela. Ni a vhona? Hu na tshiñwe tshithu kha inwi, tsho farwaho nga ndala nahone tshi no khou tshimbila, vhunga zwe zwa vha zwi zwone kha Yakobo. Ni a vhona, inwi itani tsimbe na Murena, ni do tshimbila lwo fhambanaho nga murahu ha hezwo. Tshiñwe tshithu ndi tsho fhambanaho kha inwi, no shanduka.

¹⁵⁵ Zwino, zwi tea, zwi sa athu itwa, zwi tea u hevhedzwa kha inwi. A thi londi, ndo vha ndi tshi nga ima hafha huno nda rera u swika ndi tshi wana . . . mavhudzi ane nda vha nao o salaho o no wa, u swika mahada anga o no hovhama nahone ndi na miniwaha ya fuṭahe, huno no thetshesela ḫuvha liñwe na liñwe; u swika Mudzimu a tshi hanyisa izwo kha inwi, ni kha di vha nga tshivhumbeo tshi fanaho.

¹⁵⁶ Maduvha mavhili ndo vha ndi tshi khou guda na u rabela nga ha izwi. Ni a vhona? Nda ri, “Murena, naa ndi tea u amba izwo kha tshivhidzo?”

¹⁵⁷ Tshiriwe tshithu tsha ri, “Zwi ambe. Awara yo sendela. Zwi ambe.” Ndi pfa uri U ḍo vha a tshi nkokodzela kule hu si kale nga maanda, ngauralo ndi—ndi ṭoda ni tshi zwi ḋivha.

¹⁵⁸ “A hu na muthu ane a nga ḍa kha Nne,” o amba Yesu, “nndani ha musi Khotsi Anga a tshi thoma a mu kokodza. Oo, Ndi a zwi ḋivha uri ni ri ni na Mudzimu na Abrahamu, sa khotsi anu; fhēdzi Ndi a ni vhudza izwi, inwi ni... khotsi anu diabolo,” o amba Yesu. Vhanna vha vhurereli, vhotshifhe, na vhanna vhahulwane, “Inwi ni vha diabolo, khotsi anu.” Ni a vhona? Dzhielani nzhele, mitshelo ya Muya.

¹⁵⁹ Zwino, ni a vhona, zwi tea u hanyiswa kha inwi.

¹⁶⁰ Ndo kundelwa u humbulela Noaxe a tshi ri, “Ni a ḋivha uri mini? I tou vha uri i fanela u na nga liñwe ḫuvha, ngauralo ndi do tou bva huno nda ḫifatela gungwa. Arali i tshi na, zwe ḫuga, ndi do dzhena gungwani huno nda tshimbila nga u ḫavhanya. Huno a hu na tshi no do nndina, ngauri nne ndi khou yo dzhena gungwani huno nda tshimbila.” Naa ni nga humbulela? Hai. Hai. Izwo zwe vha zwi si zwone. Arali izwo zwe vha zwi zwone... Oo, ngavhe Vhanangiwa vha tshi zwi pfa zwino. Arali izwo zwe vha zwi tshi ḍo vha zwe vha zwone, munyefuli wa u thoma u a ḍa, vhunga Bivhili yo amba zwauri o vha e hone, we a mu nyefula, o vha a tshi ḍo vha o vhea hamula yawe fhasi huno a ḫitshimbilela.

¹⁶¹ Vhunga vhanna vha tshi ita ḫamusi, vha no thoma na Yesu; huno musi vha tshi sedza nga hangei huno vha vhona Ngoho, vha shavhela kule Hayo. A vha koni u I kondelela.

¹⁶² Vhunga uña muevangeli a ḋivheaho o amba, “Zwi ḍo—zwi ḍo kherukanya mushumo wanga.” A thi londi mushumo une Muya Mukhethwa wa ḍo u kherukanya. U tea u kherukanya. Zwino, fhēdzi, ni a vhona, ndi u dihudza, munna mungafha, muthu mungafha. Oo, dzhielani nzhele kha izwi zwino.

¹⁶³ Noaxe o vha e nnda tsimuni, huno a pfa, huno a limuwa, huno a ita. A hu londwi uri hu ḍa vhanyefuli vhangana, o fhaṭa nga u ḫavhanya.

“Noaxe, u muvhumbuluwi-mukhethwa.”

¹⁶⁴ “Ni songo nndina na zwiṭukuṭuku.” A tshi khou bvela phanda na u fhaṭa! O vha o no pfa. O vha o no zwi limuwa uri ndi Mudzimu, o zwi ḫaṭula nga Mañwalo, huno zwe vha zwe ralo. O fhaṭa nga u ḫavhanya gungwa, hu si na u londa.

¹⁶⁵ Naa no vha ni tshi nga humbulela, naa no vha ni tshi nga vhuya na humbulela izwi, zwauri Mushe, ndilani yawe ya u ya Egipita, o bva nga liñwe ḫuvha huno a ri kha Tsipora, mufumakadzi wawe, “Tsipora, ni a ḋivha uri mini? Ndo pholisha zwiñwe kha girama yanga. Ndi na zwiṭuku zwa mathematiki anga zwe onyoloswaho, na zwiñwe zwa ḋivhaengele yanga huno, oo, zwiñwe zwithu zwinzhi, na pfunzo

yanga. Tshee nda lisa dzinngu hafha murahu, ndo—ndo—ndo pholisha kha zwiñwe zwa hezwo. Ndo ita khakho fhasi ngei Egipita. Ndi elekanya uri ndi do tsela fhasi huno nda i lulamisa. Ndi elekanya uri ndi do tsela fhasi”? Hai, gabelo la u thoma li luñanaho nae, o vha a tshi do vha o wa henehafho.

¹⁶⁶ Naa o ita mini? O hangwa zwe zwe a vhuya a zwi ñivha nga ha ñivhaengele na nga ha u ñalifha hawe. Ho vha hone he ha mu dzenisa vhulemeni.

¹⁶⁷ Uho ndi hone ho dzenisaho tshivhidzo vhulemeni ñamusi, ndi vhareri vho funzeaho vhanzhisa vha songo bebwaho nga Muya. Vhanna na vhasadzi vha takalela u thetshelesa zwipitshi zwa u ñalifha, vhudzuloni ha u rera maanda na mvuwo ya Yesu Kristo. Izwo ndi zwone zwe ri dzenisaho vhulemeni ñamusi. A ri tsha ñoda zwiñwe zwikolo zwa ñtha na pfunzo ya vhareri. Ri ñoda vhanna vho vhidzwaho nga Mudzimu vho ñalaho Muya Mukhethwa, huno hu si inwe thelodzhi yo itwaho nga muthu ya inwe dinomineisheni. Ri ñoda vhanna vho vhidzwaho nga Mudzimu.

¹⁶⁸ Mushe o vha a tshi khou lisa dzinngu, a dzula fhasi nahone a hangwa. O zwi ñivha uri vhatali vhawo vho vha vho no kundelwa. O zwi ñivha uri pfunzo yawe yo mu kundela. O vha a tshi khou lisa dzinngu, fhedzi a pfa, oo, “Bvula zwienda zwau, Mushe, mavu e wa ima khao ndi makhethwa.” A zwi thetshelesa. Naa ho vha hu mini? Zwe Ipfi la Muruñwa la amba zwo vha zwi zwa Luñwalo. O vha o fulufhedzisa Abrahamu, khotsi awe, “Ndi do dalela vhatu nga murahu ha musi vho no vha henengei fhasi lwa miñwaha ya mañana maña, huno Ndi do vha bvisa nga tshanða tsha maanda.” O limuwa zwauri ulwo lwo vha lu Luñwalo lwa Mudzimu lu vhonadzwaho.

¹⁶⁹ I ri ni ndi ime lwa muniti. I ri ni izwi zwi nwelele. Naa ni kona u vhona zwine nñe nda khou amba nga hazwo ñamusi? Ipfi la Mudzimu li khou vhonadzwa henefho phanda hanu, huno a ni zwi limuhi. Elekanyani zwino nga ha Sodoma na Gomora; elekanyani nga ha pfulufhedziso ya Kristo ya mañuvha a u fhedzisela.

¹⁷⁰ Mushe o zwi limuwa; zwo vha zwi zwa Luñwalo, yo vha i pfulufhedziso. O pfa, a limuwa. Tshinwe tshithu tsho da kha ene, mukomana, o kona u ya a zwi ita tshifhingani itsho. O ita. O kona u tsela fhasi huno a imisa Farao muñwe na muñwe. O kona u vhidza mabulayo musi a tshi ñoda. O kona u vula Lwanzhe Lutswuku, ngauri o vha o no pfa, o vha o no limuwa, o vha a tshi khou ita vhuimoni ha Mudzimu.

“Ndi do vha Mudzimu kha iwe, iwe u vhe muporofita kha Nñe,” O amba.

Huno a ri, “Ndi nga si zwi ite.”

¹⁷¹ A ri, "Zwo luga, zwenezwo, iwe u vhe mudzimu, huno tendela Aroni u vha muporofita wau. U fanela u ya, naho zwo ralo."

¹⁷² Na kathihi ho ngo tou ri, "Zwo ralo, khamusi ndi tea u tsela fhasi huno nda onyolosa zwithu."

¹⁷³ Naa no vha ni tshi nga humbulela Eliya kha Thavha ya Karamele, o ri, "Ni a divha, ili shango ndi la zwivhi nga ndila i ofhisaho, ḥaiñwe, khamusi ndi tea u bvā huno nda vhudza Ahaba uri ū tea u vha na ḥoni nga ha ene muñe. Khamusi ndi tea u gonya ngei thavhani huno nda dzula fhasi, huno nda didzima tshifhinga tshilapfu nga maanda, u swika avho vhatu vha tshi lwala nga maanda huno vha neta nga u mmbona henefho n̄ha ndi tshi khou sika lwa u isa lufuni"? Hai. Hai. Izwo zwo vha zwi si zwone.

¹⁷⁴ Fhedzi o pfa, huno a limuwa, nahone a ita. "Ndo laya mahunguvhu uri a u kanzwe. Iya henengei, Kiriti."

¹⁷⁵ Musi hu tshi da tshifhinga tsha makhaulatshele vhukati ha Baali na Mudzimu, a ri, "Iyani, ni wane zwidzimu zwañu, itani tshiñwe na tshiñwe khavho tshire na ḥoda, huno ni vhidzelele mudzimu wañu." Musi vha tshi ditshetsekanya, huno vhe na nama nnzhi, huno vha fhufhela n̄ha na fhasi, vha vha na phosho khulu, a ri, "Huwelelani zwi pfalese zwitiku, khamusi o tuwa, u khou dala huñwe fhethu. A nga di vha o eñela." Oo, mukomana!

¹⁷⁶ "Zwo ralo, ni a divha uri mini?" A ri, "N̄e ndi mutendi kha Jehovah, ngauralo ndi nga kona u ita izwi, naho zwo ralo." Oo, hai, ni songo edzisela izwo. Hai. Ni songo lingedza u vha Eliya u swika Mudzimu a tshi ni vhidza u vha ene. Ee, muñe wanga. "N̄e ndi mulanda wa Jehovah." Hu na vha mañana a sumbe vhavho henengei fhasi, na vhone-vho, fhedzi a hu na na muthihi wavho we a lingedza u zwi ita.

¹⁷⁷ Zwenezwo musi o no tshea mbohwana nahone o no shela mađi khayo, a ri, "Murena, ndo ita izwi u ya nga ndaela Yau." Vhona yone... Nnyi na nnyi-vho o vha a tshi do vha o lingedza, zwo vha zwi tshi do vha zwo vha u kundelwa tshothe-tshothe.

¹⁷⁸ Zwi tea u hevhedzwa kha inwi! Muya Mukhethwa u tea u zwi disa nahone wa zwi vhonadza kha inwi.

¹⁷⁹ Iyo ndi yone thaidzo ñamusi. Inwi ni nga si kone u takuwa, kha aliątari, huno na ri, "Zwo luga, Halełuya, Halełuya. Murena, ndi ḥoda Muya Mukhethwa. Halełuya, Halełuya." Hai.

¹⁸⁰ Fhedzi, mukomana, khaladzi, musi Muya Mukhethwa wo no hevhedza ilo Ipfi kha inwi, ni do Li wana ni sa athu ḥuwa tshidzuloni tshanu. Tshiñwe tshithu kha inwi tsho swa. Mureri a nga si tee u ni vhudza uri ni ite itshi nahone ni ite itsho. Mañari a kale a do tou wela fhasi, huno mañari maswa a do da.

Zwi hevhedzwa kha inwi. Inwi ni nga si sinyutshele mureri musi a tshi rera Ngoho i bvaho Bivhilini. Ni ḋo I funa, na I swikelela. Ndi Zwiliwa kha mayu waṇu.

¹⁸¹ Na Yesu, Ene muṇe, O ri, “A thi iti zwine Nda ṭoda u ita, nga Nnē muṇe. Murwa a nga si ite tshithu nga nnđa ha zwine A vhona Khotsi a tshi ita.” Maipfi... O vha e Imanuele, Ene muṇe. O vha e nama ye Mudzimu kha liphasi; Yesu o vha o ralo. O vha e nama ye Mudzimu a dzula phasi hayo. Amene. Fhedzi kha izwo zwoṭhe, Murwa wa Mudzimu o bebwaho nga musidzana, Imanuele nga vhudalo ha Muya, O vha e na Muya hu si na muelo. Huno, naho zwo ralo, kha nama Ya Ene muṇe, O ri, “A thi iti tshithu u swika Khotsi a tshi Ntsumbedza u thoma.” Zwo hevhedzwa Khae, u zwi ita!

¹⁸² Sathane o ri, “Shandukisa aya matombo a vhe tshinnkwa, huno u ite ḋembe. I ri ndi vhone Iwe u tshi zwi ita.”

¹⁸³ A ri, “Zwo ḥwaliwa, ‘Muthu a nga si tshirelwa nga tshinnkwa fhedzi.’” Yawee, nnenne! Fhedzi musi gogo lo vha lo farwa nga ndala, A doba makokisi maṭanu na khovhe mbili ḫukhu, huno a kanzwa vha zwigidi zwiṭanu. Oo, Hałęuya! Ni a vhona zwine nda khou amba?

¹⁸⁴ Ni songo lingedza u edzisela. Iyo ndi yone thaidzo kha Pentekoste ḥamusi. Iyo ndi yone thaidzo kha tshivhidzo ḥamusi, hu na vhanzhisa vha no khou lingedza u edzisela uri vha na Muya Mukhethwa. Hu na vhanzhisa vha no khou lingedza u edzisela phodzo ya Muya. Hu na vhanzhisa vha no khou lingedza u edzisela zwithu zwo fhambanaho zwa Murena. Ni nga si zwi ite hezwo. Izwo zwithu zwi ḍa nga u nanga, Mudzimu a tshi vhidza, ni a wiswa ni tshi bva mbumbeloni ya mme na hezwo. “Zwifhiwa na mbidzo a zwi na tshanduko.” Yawee, nnenne! Izwo ndi ngoho. Inwi ni nga si ḋiite tshińwe tshithu tshine na sa vhe tshone.

¹⁸⁵ Fhedzi arali Mudzimu a tshi ni vhidza, ivhani muthu a livhuwesaho shangoni ngauri O ni vhidza. Zwenezwo zwi vha zwa vhukuma kha inwi.

¹⁸⁶ Vhunga ndo vha ndi tshi ḋo amba, arali ndo vha ndi na tshifhinga, nga ha zwisindi ḥiwe duvha, zwo ṭodou nkhumisa. Na kathihi a thi athu zwi vhona, huno ndo kundelwa u zwi ita. Hattie, o dzula heneffo murahu o ntsedza. Naa izwo zwo vha zwi tshi nga vhuya zwa bvelela hani? Zwo vha zwi tshi ḋo kundelwa u zwi ita, fhedzi zwo vha zwo hevhedzwa, zwo hanyiswa. Ipfi lo ambiwa huno zwa itwa nga u ralo. Hałęuya!

¹⁸⁷ Paulo, ni nga humbulela a tshi ri, “Ndo vha ndi nnđa kha ulu lwanzhe lwa maduvha a fumińa na masiku, huno a hu na dzinaledzi kana ḥwedzi, kana ḫuvha kana tshithu. Humbulelani uri ndi ḋo tou gonya huno nda vha vhudza,

‘Ivhani na tshivhindi tshavhuđi, ngauri Mudzimu u do ri londa, naho two ralo’’? Oo, Mudzimu ha shumi nga u ralo. Mudzimu ha iti hezwo.

¹⁸⁸ Lutendo lwanu lwo luga, mukomana. Lutendo lwanu lu a mangadza. Fhedzi u swika tshithu tsho hevhedzwa kha inwi!

¹⁸⁹ Oo, ngetshi tshedza tshitswuku tsho nembelelaho heneffho, huno arali nda vhona... Ndi ri, “Zwo luga, ndo vhea mulenzhe wanga kha tshiengedzaluvhilo. Ndi na modoro. Ndi nga kona u fhira kha itshe tshedza hangei, ndi tshi ita maela dza qana na mahumi mavhili nga awara.” Izwo ndi ngoho. “Ndi kona u pfa maanda fhasi ha milenzhe yanga.” Fhedzi ndi khwine ni tshi lindela u swika kha tshiga tsha “u ḥuwa.” Hałęļuya!

¹⁹⁰ Naa ni a zwi pfesesa zwine nda khou amba? [Tshivhidzo tshi a fhindula, “Amene.”—Mudz.] Musi tshiga tsha “u ḥuwa” tshi tshi da, two luga. Musi tshithu tsho hevhedzwa kha inwi, huno Mudzimu a tshi ḫivhadza vhunga O ita ngei murahu, two luga. Fhedzi u swika A tshi zwi ita, ri na tshivhalonyana tsha vha no tenda Yudasi tshi no khou edzisela, tshi no khou tshimbila vhunga, tshi ri, “Zwo luga, nne ndi tou fana na zwine vha vha zwone. Nne ndi Mukriste, na nne-vho.”

¹⁹¹ Oo, naa a ni elelwi? Vharwa vha Sikefa—Sikefa, vho bva huno vha ri, “Ri a u laya, u laya nga Dzina la Yesu ane Paulo a mu rera. Ibva!”

A ri, “Paulo ndi a mu ḫivha, na Yesu ndi a mu ḫivha, fhedzi vho inwi ni vhonnyi?”

¹⁹² Awara i khou da musi tshi re tshone na tsho khakheaho zwi tshi vhonadzwā. Zwi a sumbedza kha Vhakriste ḥamusi. Zwi a sumbedza kha zwivhidzo ḥamusi. Zwi a sumbedza kha vhatu ḥamusi. Nne ndi khou ni fareledza; ndi ḥoda izwi zwi tshi swika kha inwi.

¹⁹³ Paulo na kathihi ho ngo ri, “Ndi tenda uri ndi do tou gonya huno nda ri, ‘Zwo luga, ivhani na tshivhindi tshavhuđi.’” Hai.

¹⁹⁴ Naa o ita mini? O pfa Muruňwa. O zwi ḫivha uri uyo o vha e onoyo Muruňwa muthihi we a amba nae tshifhinga tshothe. O limuwa, zwenezwo a ita. O gonya huno a ri, “Ivhani na tshivhindi tshavhuđi. Ngauri Muruňwa wa Murena, ane nne nda vha mulanda Wawe, o ima na nne madekwe, a tshi khou ntsumbedza bono la uri a hu na tshithu tshi no do xela, kha itshe tshikepe. Ivhani na tshivhindi tshavhuđi. Iyani ni le tshiswičulo tshanu zwino. Tshinwe na tshinwe tsho luga.” Amene. Musi zwi tshi hevhedzwa kha inwi, musi Mudzimu a tshi zwi lugisa!

¹⁹⁵ Ndi na lihumbulwa hafha huňwe fhethu, le nda li ḥwala phasi. Ngeli henehafha. Uh-huh. Ri vhufheloni ha zwithu zweithe. I ri ni ndi tou disa izwi ngomu ngaurali zwino, u valani. Ndi fhulufhela uri Mudzimu o dzumbulula tshinwe

tshithu kha inwi. Sedzani. Tshiñwe na tshiñwe tshi kha vhufhelo. Muñwe o vhudzisa nga vhuñwe vhusiku, ndi tenda uri o vha e Mukomana Fred Sothmann, ro vha ri tshi khou vhudzisa nga ha uri tshifhinga tsha vhufhelo tshi tsini hani.

¹⁹⁶ Mukomana Demos Shakarian o vhona iło bono lo vhonadzwa nga u ralo, huno la da la khunyelela nga murahu ha maduvha mañanu, lwo fhelelaho, la tou nga lo mu wisa a tshi bva zwiendani zwawe. A mmbidza. A ri, “Naa Joseph u hani?”

Nda ri, “Zwo luga.”

Ha pfi, “Naa u a vhona mabono?”

¹⁹⁷ Nda ri, “Ee. O mmbudza nga ha Dafita, murwa wa Mukomana Woods, he a wa hone kha thuthuthu, maduvha mararu kana mana zwi sa athu bvelela, zwa tou ri kokotoło.”

A ri, “Ni a ćivha, izwo zwithu zwi tevhela miتا.”

¹⁹⁸ Nda ri, “Tsho lugaho kana tshivhi, tshi a ita, tshiñwe tshazwo. Tshi tevhela miتا.”

¹⁹⁹ Huno ro vha ri tshi khou amba zwiłukunyana, huno vhone, Fred o ri kha nñe, “Naa izwi zwo dzhiwa ngafhi, Mukomana Branham?”

²⁰⁰ Nda ri, “Sedzani, Fred, kha ri zwi dzhie nga mvelo. Mudzimu u shuma kha mvelo Yawe. Sedzani, sedzesani zwa zwa bvelela. Duvha lo ćavha ngei Vhubvaduvha. Uvho ndi vhutshilotshedza ha kalesa vhune ra vha naho, ndi Tshaina.” Ri a zwi ćivha rothe hezwo.

²⁰¹ Vhutshilotshedza ha kalesa vhune ra vha naho ndi Tshaina. Zwo luga. Huno vhutshilotshedza ho tshimbila u bva vhukovhela tshifhinga tshothe. Huno zwino naa ndi ngafhi he na vha ni tshi do tuwa ni hone arali no tutshela Khunzikhunzi ya Vhukovhela, ni tshi khou yo budékanya tswititi? Iyani Tshaina. Kokotolo. Ri vhufheloni. Bivhili yo ri, muporofita o ri, “Hu do vha na duvha line li sa do vha vhusiku kana masiari, musi duvha li tshi khou fhira nga ntha, fhedzi nga tshifhinga tsha nga madekwana,” li sa athu fhela nga hangeno, “hafhu hu do vha Tshedza, zwi fanaho.” Yesu o ri, “Hu do vha na mvula ya tseula na mvula ya tsinya-matanga. Huno mvula ya tsinya-matanga i do bveledza vhuvhili hadzo mvula dza tseula na tsinya-matanga, nga khalañwaha yeneyo nthihi.” Ri tshifhingani tsha vhufhelo.

²⁰² Sedzani hafha, i ri ni ndi ni sumbedze. Politiki i kha vhufhelo. Naa ni a zwi tenda izwo? [Tshivhidzo tshi ri, “Amene.”—Mudz.] Ntsumbedzeni tshiñwe tshithu ñamusi...

Ulu lushaka ndi lwo vhifhesaho shangoni, nga u tshinyala, u sa ofha Mudzimu. Naa ndi nnyi o vhalaho bammbiri ya Courier Journal nga vhuñwe vhusiku, ngei Louisville, musi avha vhasadzi vhothe, vha tshi nanguludza, lushaka luñwe na

luñwe, musadzi wa lunako nga maanđesa kha lushaka, huno vha mu imisa uri ndi ene Mufumakadzana Lifhasi Lothe? Luñwe na luñwe lwo ita nga nnđa ha Rashia. Huno vho rumela kha Khrushchev huno vha mu vhudzisa, "Ndi ngani li sa khou ralo?" A ri, "Rashia a li bvuli vhasadzi vhalo, uri vha tshimbile phanda ha vhanna." Lushaka lwa tshihedeni, lu sa ofhi Mudzimu lu tshi disa lunyadzo kha rine vhane ra divhidza Vhakriste, lwa ri, "Rashia a li bvuli vhasadzi vhalo, u tshimbila nnđa nga u ralo. Huno na kathihi a ni vhoni dzishothi kana zwithu zwi no nga hezwo kha la Rashia." Avho ndi vha u sa ofha Mudzimu. Huno riñe vhane ra divhidza "Vhakriste"!

²⁰³ A zwi mangadzi Bivhili yo ri, "Tafula iñwe na iñwe yo dala mañanza. Huno ndi nnyi ane Ndi nga mu funza Pfunzo, nahone ndi nnyi o lumulwaho khanani? Fhedzi ndayo i do da kha ndayo, huno mutualadzi kha mutualadzi. Ngauri nga milomo ya makakamela na dziñwe ndimi Ndi do amba na avha vhathu. Huno uvhu ndi Vhuawelo. Nga ñwambo wa hezwi, a vha nga tođi u pfa." Ri na muñalukanyo wo ḥalifhaho wa riñe vhañe. Oo, zwi do vha zwavhuđi hani u ḥwa duvha lothe Khaho.

²⁰⁴ Politiki, dzo tshinyala! Vhademokirati, Vhariphabulikeni, na vhothe, vha fhasi. Naa ndi mini? Ndi tshivhalonyana tsha u tumamedza. Muthu muñwe na muñwe u shuma khatsho, uyo a songo bebwaho hafhu, ndi wa diabolo. Diabolo o ri, "Muvhuso muñwe na muñwe u re shangoni ndi wanga," huno Yesu na kathihi ho ngo hanedzana nae. Shango li langwa nga diabolo. Huno munna muñwe na muñwe a no shumela muvhuso, arali a si Mukriste, ndi wa diabolo nahone u khou shumela diabolo. Idzi tshakha dzothe dici do wa phanda ha Yesu Kristo musi A tshi da, hu do vha na Nwahagidi.

²⁰⁵ Sedzani hafhano ñamusi, zwine vha khou bvela phanda nazwo zwino. Vha tshi khou nkhuwelela malugana na u shumisa tshelede hangei nnđa u itela Vhakriste, nahone vha tshi ḥoda u nñea miñwaha ya fumbili kha dzhele ya muvhuso, nga nthani ha u shumisa tshelede u ita mushumo wa vhurereli. Huno wisiki na halwa na dzisigarete zwi phumulisa milioni dza mahumi nga ñwaha, u tshinya lushaka. Huno nñe ndi tshi khou lingedza u rera u luga, ndo ima muñangoni wa Yesu Kristo, huno vha nthumela dzheleni ya u shandulula nga nthani hazwo. Huno nda dzhia zwithu zwi no nga hezwo zwa vhuvhì, zwa fhasi, zwo thanyaho, u ḥalifha, huno nda ita uri vha zwi phumulise u itela mbekanyamushumo dza thelevishini dze dza tshinya shango, dza rumela vhasadzi kha dzimmbwa. Liñwe la masamba mahulwanesa e lushaka lwa vhuva lwa vha nao, huno vha sokou ponya nao. Vha nthumela dzheleni ya u shandulula nga nthani ha u rera Mafhungo-madjifa, ndi tshi dzhia dolara dici si gathi ngeno nnđa u-u rera Mafhungo-madjifa, dzine vhathu vha nñea u rera Mafhungo-madjifa ngadzo. Nñe a tho ngo pfuma huno

ndi nga si kone u phumulisa izwo. Fhedzi naho zwo ralo vha ṭoda u nthumela dzheleni ya u shandulula, vha mpfara lwa miñwaha mivhili, huno nda vha na tsengo i no khou ḍa hu si kale. Oo, nga ndila ine ha vha fhasi, nga ndila ine ha vha ho tshikafhalaho! Mudzimu, ivha wa khathutshelo.

²⁰⁶ Ndi do amba itshi tshithu tshithihi, khamusi iyo ndi ndila ine Mudzimu a vha nayo A sa athu rumela bomo ya atomo. Inwi ni tea u ita tshiñwe tshithu tsho khakheaho, ni a ñivha. Ni tea u kwama mudodzwa Wawe nga tshiñwe tshifhinga, u itela Luriwalo lwonolu luthihi, uri izwo... “U songo kwama Munangiwa Wanga.” Izwo ndi zwone. Ngauralo arali zwi tshi tea u dzhia hezwo u ñisa khatulo, vhunga zwo ita maðuvhani a Daniele kana huñwe fhethu-vho, i ri ni i ñe. Nne ndi mulanda Wau, Murena. Izwo ndi zwone. Oo, ee.

²⁰⁷ Politiki, fhasi! Lushaka, lwo tshinyala! Zwo ralo, sedzani uri mini! Vha khou yo ambadza maswole dzishothi zwino. Yawee, nnenñe! Politiki, nndwa! Politiki i kha vhufhelo. Vhavhusawoga vha a khakha. Politiki i a khakha. Ndi ngani vha songo dzula na khosi i ofhaho Mudzimu vhunga ye Mudzimu a vha ñea yone, Dafita? Murena muhulwane wa England o amba, musi iyi—musi iyi demokirasi i tshi vhumbwa, a ri, “Yo luga zwino, fhedzi hu do ḍa tshifhinga,” a ri, “a i nga vhi tshithu. I do vha seila hoñhe huno hu si na ngimisi.” Huno u ngohoni. Ha pfi, “Vhapolitiki vha ima n̄tha ha mabogisi a tthisibe khudani inwe na inwe, tshakha dzoñhe dza zwithu zwo kombamaho zwi no tshinya muvhuso.” Huno uyo munna o vha e ngohoni. Kokotolo zwi no khou bvelela.

²⁰⁸ Munna muthihi a nga bva hafha, huno a fhira hafha huno a kambiwa, huno a kherukanya tshiñwe na tshiñwe tshine a ṭoda; huno a tsela henengei, u ñivha muñwe na muñwe, ngauralo a hu na tshithu tsho ambiwaho. I ri ni munna wa mushai, kana muñwe muthu a sa ñivhi, a lingedze u zwi ita, huno vha a rumelwa dzheleni ya u shandulula. U tshinyala, fhasi, tshika, phesente dza fuña dza avho vha-mbeu-nthihi. Zwi elekanyeni, Sodoma na Gomora hafhu! Ngetsho tshigwada, tshi no tea u vha tsha vhurereli.

²⁰⁹ Ndi—ndi a mangala uri hu iteani tshi tevhelaho, musi Muphuresidennde a tevhelaho a tshi dzhena? Mudzimu o ri ñea munna muthihi wavhuđi a ofhaho Mudzimu, Dwight Eisenhower wa kale. Huno zwino ndi a fhulu.... Sedzesani uri tshithu tshi tevhelaho tshi no do dzhena ndi tshinzani. Huno ri nga di vha na mbevha tshifhinga tshi tevhelaho, ngoho lwo edanaho. Fhedzi hu khou ḍa, “Ene Farao a sa ñivhi Yosefa.” Elelwani hezwo. Ndi do swika khazwo nga muthethe fhedzi. Politiki yo tshinyala. Ri a zwi ñivha hezwo.

²¹⁰ Nndwa i vhufheloni hayo. Oo, vho posana nga matombo nga tshiñwe tshifhinga, vha rwana ñöhoni nga mbađo

dza matombo, zwenezwo vha thuntsha vhura na musevhe. Zwenezwo vha wana zwigidi, zwenezwo matshinigani, zwenezwo zwa fumalomalo ngei Dzheremane, na ganunu khulu dzine ra vha nadzo. Zwenezwo vha posa gireneidi dza tshanda na gese ya mulimo. Fhedzi vha na bomo ya gesemadi zwino. Nndwa i kha vhufhelo. Lushaka luñwe na luñwe lu nazwo, ngauralo ni khou yo ita mini zwino? Na lushaka luñuku ñamusi, lu tou hoha thusedzi, ndi zwenezwo fhedzi zwine vha tea u ita, huno lothe la thuthuba. Nndwa i kha vhufhelo. Huh! Amene. Nndwa i kha vhufhelo. Politiki i kha vhufhelo.

²¹¹ Pfunzo i kha vhufhelo. Vhukundavhalai vhu kha vhufhelo. Vhana, a hu na mafulufhelo kha vhana, vho no di penga. Ni nga si vhe na pfunzo. Ni nga si tsele hafha phasi tshikoloni huno na vha na, na wana ñwana a re na pfunzo. Ndi ene—ndi ene ñwana wa vhudzulavhafu lwo engedzeaho kavhili musi a tshi bva u fhira zwine a vha zwone musi a tshi dzhena. I ri ni mudededzi a ambe tshiñwe tshithu nga hazwo, u do vhulawa. Vha do vhumba Klux thukhu huno vha bva henefho huno vha thuntsha mudededzi, vha mu bvisa nahone vha mu nembeledza. Ro xelewta nga vhadededzi vha zwigidi zwivhili. Oo, imani lwa muniti, ndi tenda zwauri ho vha hu vhadededzi vha zwigidi zwa fumbili, uyu ñwaha wo fhiraho. A thi vha vhei mulandu. Ndo vha ndi si nga todii u zwi ita, na zwezwo. Zwino vha na zwiga tshifhinga tshothe, “Neani avha vhana pfunzo ya kholidzhi.” Vha a i todii, fhedzi diabolo u navho. Diabolo u navho. Huno a hu tou vha nomala fhedzi u bva huno na vha na tshiñuhu huno—huno—huno na bvisa khoro nahone na i fhahea ñha kha muri vhusiku ha Halloween, kana na ita zwa tshiñuhu zwiñuku vhunga zwe vhana vha vha vha tshi anzela u zwi ita, kana na dzhia kugoloi kwa mulimi huno na ku vhea ñdilani, hu si nga iyo ñdila; fhedzi vha a penga. Vha ita zwithu zwa tshipengo; vha ni thuntsha, vha ni vhulaha, vha ni ponda, vha ni ñisa mulimo, tshiñwe na tshiñwe. Uyo ndi murafho u tevhelaho.

²¹² U beba vhana hu kha vhufhelo, vhusadzi, vhumme. Mulandu, u langa mbebo hu itiwa huiwe na huiwe, huno zwibwanana zwe dzhia fhethu.

²¹³ Vhudilisi, a hu tshe na u ñilisa khazwo. Vhasadzi, vha tshi ambara luvhi; dzi ña nga thelevishini, tshakha dzothe dza nyedziso dza vhatu vhavhi vha Hollywood, tshakha dzothe dza zwithu, dzifesheni. Zwothe zwi kha vhufhelo!

²¹⁴ Pfunzo i kha vhufhelo. Politiki i kha vhufhelo. Nndwa i kha vhufhelo. Vhutshilotshedza vhu kha vhufhelo. Zwothe izwo zwithu zwi kha vhufhelo. Nñenñe, ri nga ita hani-ha? Naa tshi tevhelaho ndi mini? Ri kha vhufhelo ha zwithu zwothe.

²¹⁵ Zwino vhutshilo ha tshivhidzo vhu kha vhufhelo, tshivhidzo tsha nomala, tshivhidzo. Zwino, izwi zwi nga di tou nambatela zwiñukunyana, fhedzi tshivhidzo tsha ñama,

tshivhidzo tsha Esau, tsho ḋa vhufheloni hatsho. Naa tshi khou ita mini? Tshi khou ya n̄tha kha dzangano ṥa zwivhidzo, line mafhedziseloni ṥa do vha murado wa Vhuroma, u lwa na Vhukatolika...kana na Vhukatolika u lwa na vhukomunisi. Mupapa John u khou ita khuwelelo ya uri zwivhidzo zwethe zwi vhuye murahu, huno zwi do ralo. Huno zwi do diṭanganya fhethu huthihi, zwi tou vha kokotolo U RALO MURENA.

²¹⁶ Inwi ni ri, "Imani lwa muniti, Mukomana Branham. Ni khou bva ndilani." Arali ndo ralo, Mudzimu o ḋwala Bivhili Yawe o bva ndilani. Inwi ni tea u vha Mika, kha ili fhungo.

²¹⁷ Morris Cerullo o amba na nne nga vhuwe vhusiku, a ri, "Naa u ngafhi mulwanakristo, Mukomana Branham? Muyuda ndi mulwanakristo."

Nda ri, "Morris! Huno inwi, Muyuda?"

A ri, "Ndi vhone vhavhengi vha Mudzimu vhahulwanesa vha re hone."

²¹⁸ Nda ri, "Morris, ni songo ita! Mmbudzeni Luñwaloni hune mulwanakristo a bva Yerusalem. Mulwanakristo u bva Roma, hu si ni Palestina."

A ri, "Zwo ralo, sedzani, n̄ne ndi... Ndi vhone vhavhengi vha Mudzimu."

²¹⁹ "Ee, naa Mudzimu ho ngo ri O pofudza maṭo avho uri ri kone u vha na ḫuvha ṥa u vhona? Fhedzi ḫuvha ḥashu li ḋo fhela hu si kale."

²²⁰ A ri, "Oo, Mukomana Branham, na kathihi izwo a tho ngo zwi elekanya." Ni a vhona, khezwo.

²²¹ Ni a vhona, ri kha vhufhelo. Shango ṥa nama, tshivhidzo tsha nama tshi khaho, vhufhelo. Sedzesani ndila ine tsha khou ya n̄tha kha dzangano ṥa zwivhidzo. Vharathu Vho Ṭanganaho vho dzhena khazwo. Vha Pentekoste vha ngomu khavho. Vhanwe vhavho vhothe vha a ḋidzudzanya. Ni a vhona fhasi, avho Vhakanana, ndilani yothe fhasi nga kha iyo mimuya ya Esau, ya vhurereli nga maanda, huno vha vhumbana na shango; hu si pfeseso ya muya, vha sa koni u kunda, vha songo nangiwa nga Mudzimu, u vhidzelwa nn̄da na u fhandekanywa.

²²² Oo, arali ndo vha ndi tshi nga ita fhedzi uri zwi ḫivhee, musi arali ndo vha ndi tshi nga zwi sukumedzela fhasi nga iinwe ndila! A vha zwi vhonni. Vha na maṭo huno a vha koni u vhona, dzindevhe huno a vha koni u pfa. Oo, ndi ngani ro dodofhala nga maanda Muyani? Zwino, thetshellesani izwi. Tshinwe na tshinwe tshi kha vhufhelo.

²²³ Huno Tshivhidzo tsha muya tshi kha vhufhelo Hatsho. Tshi khou da kha vhufhelo. Oo Mudzimu! Sedza hangei murahu musi Tshi tshi thoma na Luther, tsha dzinginyisa fhasi, tsha muya. Zwenezwo nga Wesley, tshi ḋa kha khethefhadzo.

Zwenezwo nga Pentekoste, Muya Mukhethwa. Huno zwino kha tshifhinga tsha vhufhelo, Muya wa Kristo ngauralo Tshivhidzoni, U khou ita mishumo i fanaho na ye A ita, heneffho murahu kha Thoho Yatsho hafhu; Tshivhidzo na Kristo zwo dilugisela u ḥangana, na U ḏa ha Murena Yesu, na muwo ya vhafu. Ri kha tshifhinga tsha vhufhelo. Yesu o amba nga u ralo, “Sa zwe zwa vha zwi zwone mađuvhani a Sodoma, zwi ḏo ralo kha u ḏa ha Murwa-muthu.” Naa ni a zwi pfectesa?

²²⁴ Sedzani tshivhidzo tsha ḥama. Sedzani hune vha khou ya hone, kule na kule u ya phanda.

²²⁵ Sedzani Tshivhidzo tsho dalaho Muya, tshi tshi dzinginyisa vhuṭafuṭafu vhuṭuku Hatsho hoṭhe, tshi tshi ḏa ntha Muyani, (kha vha si gathi, a hu na zwiñwe), tshi tshi ḏa Muyani, fhedzi tshi tshi sudzulutshela ngomu fhethu ho ralohu u swika Tsho no swika heneffho hune Muya Mukhethwa wa khou sudzulutshela heneffho nga Khatsho, u tshi khou shuma ndila Yatsho, tsho dilugisela u ḥanganedza Murena watsho, tsho dilugisela u ḥanganedza Murena watsho.

²²⁶ Huno vhañwe vhavho vhothe vho dzudzanya, vha tshi humela murahu ngomu shangoni, vho khethekana, vha tshi khou humela murahu ngomu ha dzangano, vha tshi sudzulutshela ngomu ha iyo ḥoho nthihi khulwane ya mbumbano fhasi ha Vhukatolika. “Huno ho vha hu na tshifanyiso tsho vhumbelwaho ḥivhanda.” Tshone *tshifanyiso*, “tshiñwe tshithu tshi no nga tshone.” Mbumbano ya tshivhidzo yo vhumbiwaho na Vhukatolika, zwone zwivhili zweþhe, zwi shuma zweþhe. “Naa ndi nnyi a konaho u ita nndwa na ḥivhanda kana tshifanyiso tshało?” Zwa vhukuma hai. Nga ndila ye ra vha ri tshi nga fhira nga khazwo lwa dziawara!

²²⁷ Zwino i ri ni ndi ambe izwi kha inwi, huno zwenezwo tshi ḏo vha tshifhinga tsha u vala. Ndi uri ndo... Ndo ni vhudza zwauri i ḏo lapfa. Ndi—ndi tou pfa ndo tsikeledzea nga maanda. Musi Mudzimu o vhuya a amba izwi zwithu, o ri, “Vha vhudze. Zwi ambe. U songo tsha fhumula. Vha sumbedze Lone. Arali vha sa Li ḥanganedzi, zwenezwo malofha haho zwandani zwau.” Awara i fhano. Tshifhinga, zweþhe zwi khou ya ntha.

²²⁸ Shango li kha vhufhelo halo. Li nga si tsha ima. Nndwa dzi kha vhufhelo hadzo. Ni nga si tsha vha na nndwa. Arali ni na nndwa, i nga si vhe; wa u thoma fhedzi u hoha thusedzi, iyo ndi yone. Politiki, yo sina nahone yo tshinyala.

²²⁹ Shango la tshivhidzo ndi Mumethodisi, Mubaphuthisi, Mupuresbiterieni, Vhapentekostała. “Ndi nguluvhe dza mboho u vhumbuluwani hadzo, mmbwa kha mañanza adzo.” Izwo ndi zwone, muñwe na muñwe wavho! Mudzimu u a vhidza, uri hu bviwe kha u tshinyala uho, Tshivhidzo tsho

nangiwaho. Izwo ndi kokotolo. Esau, vho ri, "Ri tshivhidzo!" A thi zwi timatimi hezwo. Yakobo o vha e khotsi a Esau, na ene-vho, izwo ndi zwone, ngauralo, fhedzi—fhedzi... ndi khou amba, Isaka o vha e khotsi a Esau, huno Yakobo o vha e murathu wawe, na ene. Fhedzi muñwe o pfufhiwa nga vhutanzhe; muñwe o vhu vhenga. Muñwe o pfa, a limuwa, huno a ita. Muñwe a ri, "Oo, samusi ndi tshi khou ya tshivhidzoni nahone ndi tshi ita zwi re zwone, naa zwi ita phambano-de?" Khezwo. Zwino kha...

²³⁰ Ndi amba izwi-ha, u valani, ili ljhumbulwa lo engedzeaho lithihi. Tshivhidzo tsha vhukuma tshi na zwinzhisa zwine tsha tea u tshilela zwone zwino. Oo, tshi tea u vha tshifhinga tsha u takala nga maanda kha Tshivhidzo tsha vhukuma, u itela Tshivhidzo tsha ngoho, u itela Tshivhidzo tsho nangiwaho, musi ni tshi zwi divha mbiluni yanu zwauri no bva lufuni na pfukela Vhutshiloni; musi ni tshi disedza huno na vhona, na sedza vhutshilo hanu huno na vhona uri zwithu zwe the zwa shango zwe lovha, uri no no vha tshivhumbwa tshiswa. Thetshellesani zwino, u valani, zwavhuđi. Ni a zwi divha uri no pfuka, vhutshilo hanu vhu a zwi sumbedza, "Nga mitshelo yavho ni do vha divha." Tshipikwa tshanu tshothe ndi Kristo. Ni khou Mu ɯoda uri a de muniti muñwe na muñwe-vho. Ni tshimbila Muyani. Ni a Mu funa. Ni a Mu vhona a tshi shuma nga kha inwi. A hu na tshine na tama u tshi ita, fhedzi U tou tshi ita, Ene muñe. Oo, ndi tshifhinga-de nandi!

²³¹ Zwi nkhumbudza muoli we a ya ngei Roma, u guda u vha muoli, muthu muswa. Vho mu dzhieila nzhele. O vha o fhambana nga maanda na vhañwe vhatukana na vhasidzana vha Amerika vhothe, na zwithu zwe zwa ya henengei u vha zwioli, na vhañwe vhothe vha shango. Uyu muthannga muthihi o vha a tshi mangadza. O vha e muthu wavhuđi, huno vho zwi dzhieila nzhele. Vho vha vha tshi vha na zwimima zwihiulu hulu, huno vha ya heneffo fhasi nahone, nga ndila ine vha ita ngei Roma, vha sokou kambiwa u ya nga hune vha nga vha ngaho.

²³² Ndo vha ndi henengei, nñe muñe, huno ndo vha vhona. Vha bva vha ya tshițarațani, vhanna na vhasadzi, huno vha bvela phanda. Na kha dziphakha, vha tshi ita zwa vhudzekani heneffo phakhani, heneffo nnđa khagala, vha sa dzhieili tshenzhemo; England, na lone-vho, na mañwe othe. Ni a vhona? Afho a ho ngo vhifha u fhira ngeno. Zwi tou vha zwenezwo zwithihi fhano, ho ɯodou vhifha nga u ralo; fhedzi, zwi tou tibedzea zwițuku lwo engedzeaho fhano, nga nthani ha mapholisa na tshithu. Zwino, fhedzi hu tou ofhisia!

²³³ Zwe ralo, uyu muthu muswa muthihi, o dikhaukanya nazwo zwe the. Musi vha tshi ya swimimani zwavho, o vha a tshi vha tendela vha ya, fhedzi o vha a tshi khou guda u vha muoli. Ngauralo, nga línwe đuvha mulondoli wa kale, we a

vha e Mukriste we a vha e afho mu—muziamuni, tshifhaṭoni tsha vhutsila, a ri—a ri, “Kha ri tshimbile zwiṭuku, murwa. Kha ri tshimbile, ndi ḋo takalela u amba na inwi lwa tshifhinganyana.”

A ri, “Zwo luga.”

²³⁴ Ngauralo vha ṭuwa, vha tshi khou gonya muvhundu, huno vhuvhili havho vho isa zwanda zwavho nga murahu havho, vha gonya muvhundu. Duvha ḥo vha li tshi khou kovhela. Huno ngauralo munna wa kale a ri kha muoli muswa, a ri, “Murwa, ni Muamerika.”

A ri, “Ndi ene.”

²³⁵ A ri, “Inwi ni da fhano u wana pfunzo yanu kha vhutsila. Ndi dzhia uri no diimisela u ita mushumo wa vhutshilo hanu muoli.”

A ri, “Ndi khou puṭana u ita hezwo, muṇe wanga.”

Ha pfi, “Ndi a vhona zwauri ni Mukriste.”

A ri, “Ndi nne Mukriste.”

²³⁶ A ri, “Zwo luga, hu na tshithu tshithihi tshine nda ḫodou ni vhudzisa. Ndo vhudzisa avha vhaṇwe. Vha ri vha Vhakriste, na vhone-vho.” A ri, “Naa ndi mini tshi no ni ita o fhambanaho nga maanda? Naa ndi mini tshi no ni ita o fhambanaho na vhaṇwe vhatukana vhothe vha bvaho Amerika, na avha vhasidzana vha bvaho Amerika? Naa ndi mini tshi no ni ita phambano nngafha, huno naho zwo ralo noṭhe ni ri ni ‘Mukriste’?”

A ri, “Muṇe wanga, ni a vhona ndila ine ilo duvha ḥa khou kovhela?”

A ri, “Ndi a ita.”

²³⁷ A ri, “Kule u buḍekanya danzhe, kha liṇwe shango ngei New England, kha muṇwe muḍi kha ilo shango, na kha inwe nndu kha uyo muḍi, hu na muṇwe musidzana we nda fulufhedzisa uri ndi ḋo tshila ndi wa ngoho khae.” A ri, “Ndi zwenezwo fhedzi zwi re kha ḫalukanyo yanga, u wana pfunzo yanga ya vhutsila huno nda humela murahu kha uyo musidzana a no khou tshila e wa ngoho kha nne.” A ri, “Iyo ndi ndila ine nda tshila zwine nda ita.”

²³⁸ Oo, mukomana, khaladzi, inwi ni nga di mangala uri ndi ngani ri sa londi zwine vha ri vhidza zwone. A thi londi zwine vha amba.

²³⁹ Ndo vha ndo ima na Fred nga liṇwe duvha, fhasi ngei San Juan, Puerto Rico, ndo sedza u buḍekanya Iwanzhe, huno nda dzhiela nzhele nnđa, ilo tombo ḥa khorala, hafu ya maela nnđa, ayo magabelo mahulu a tshi khou pwashékana. A ri... Magololwane o vha a tshi khou tshimbila ngadeni, na zwiṇwe-vho. Nda ri...A ri, “Mukomana Branham, afha hu nga Ṭadžulu.”

²⁴⁰ Nda ri, "Fhedzi lwanzhe lu do fhumula hangei, mukomana." Nda ri, "U tou budekanya lwanzhe hangei, hu na huñwe fhethu hu no vhidzwa Tađulu, hu na Muñwe a no vhidzwa Yesu, kha ili Tađulu, we nga liñwe duvha A dzhia zwivhi zwanga zwothe. Huno ndo Mu fulufhedzisa uri ndi do tshila ndi wa ngoho Khae, ndi do ita zwithu zve A toda ndi tshi zwi ita. Itsho ndi tshone tshi itisaho uri ndi si vhe na thoni nga Mafhongo-madifha Awe, Ndi Maanda a Mudzimu kha tshidzo." Ayo ndi one a no ita uri Mukriste a tshile nga ndila yo fhambanaho. Ndi o fhambanaho ngauri u na Tshiñwe tshithu tshine a tea u tshi tshilela nga ndila yo fhambanaho.

Kha ri kotamise zwifhañuwo zwashu lwa tshifhinganyana.

²⁴¹ Khonani yanga yo tungufhalaho, matsheloni ano, naa ni na tshiñwe tshithu tshone fhambanaho tshine na tea u tshilela tshone, tshiñwe tshithu tsha u ni bvisa kha shango, tshiñwe tshithu tshi no amba two engedzeaho kha inwi u fhira shango lothe, ndi u tshilela Kristo? Arali ni si na itsho, ndi ngani ni sa Tshi tanganedzi zwino. Ni songo tou ya tshivhidzoni huno na ri, "Ndi todou vha muthu wavhudzi." Ni songo ita hezwo. Inwi ni todou vha Mukriste. Inwi, arali hu na tshiñwe tshithu tshe tshifhinga tshothe tsha vha tshi mbiluni yanu, tshi tshi ni vhudza, "A no ngo luga, fhedzi Ndi toda ni tshi luga." Inwi tshifhinga tshothe no tulutshelwa u vha tshiñwe tshithu tshine na sa vhe tshone zwino, naa a ni zwi divhi zwauri Mudzimu u khou ni vhidzelela? Ni songo zwi thudzela kule. "Ngauri arali no vhuya na vhotnetshelwa huno na vha na tshifhinga, huno na tshi thudzela kule nga tshifhinga tshañu tsha u fhedzisela, a hu tshe na tshidzimu tsha tshivhi." Ni songo tuwa na Esau.

²⁴² Idani na Yakobo, hu sa londwi...hu sa londwi zwine zwa khou yo ni dzhiela zwone. Arali zwi tshi ni dzhiela haya hanu, arali zwi tshi ni dzhiela mushumo wanu, arali zwi tshi ni dzhiela munna wanu, zwi tshi ni dzhiela mufumakadzi wanu, arali zwi tshi ni dzhiela vhana vhanu, arali zwi tshi ni dzhiela tshiñwe tshithu, wanani vhutanzhe! Itsho ndi tshone tsha ndeme. Huno arali ni tshi pfa nga iyo ndila nga hazwo, nga matsheloni ano, huno ni tshi do takalela u vha na uvhu vhutanzhe! Ndi nga si kone u ni nea Hone. Mudzimu a nga kona, huno Ndi Ene a no khou amba na inwi. Ni nga tou imisa tshanda tshañu fhedzi, na ri, "Nthabeleleni, Mukomana Branham. Uvho vhutanzhe, ndi a toda." Mudzimu a ni fhañutshedze, u budekanya huñwe na huñwe. "Uvho vhutanzhe, ndi a toda."

²⁴³ Khotsi ashu wa Tađulu, ndi a U livhuwa, O Tondweswaho na Mudzimu Mukhethwa, u itela vhuvhuya Hau hothe na dzikhathutshelo kha vharwa na vhananyana vha vhathu.

Huno ri a limuha zwauri ri kha tshifhinga tsha vhufhelo, a hu na tshithu tshine tshi nga kha di ya phanda. Ri khou tou lindela nga tshifhinga tsho hadzimiwaho; vhunga zwe zwa vha zwi zwone maquvhani a Noaxe, u sa fhela mbilu ha Mudzimu, musi gungwa lo vha li tshi khou lugiswa, musi mimuya ya malo fhedzi i tshi tshidzwa. Iwe wo ri, "Zwi do ralo kha u da ha Murwa-muthu. U sa fhela mbilu ha Mudzimu, a sa funi muñwe-vho a tshi lovha, fhedzi uri vhothe vha kone u da kha tshanduko."

²⁴⁴ Huno ñamusi kha tshino tshifha, hu na vhanna na vhasadzi vho imisaho zwanda zwavho, vhatukana na vhasidzana, vhaswa na vha kale, vho imisa zwanda zwavho, nahone vha tshi khou ri, "Hu na Tshiñwe tshithu tshi no khou khwida kha nne." Oo Mudzimu, ngavhe vha sa Tshi thudzeli kule na kathihi. Ngavhe vha tshi rengisa pfunzo yavho, ngavhe vha tshi rengisa tshiñwe na tshiñwe tshine vha vha natsho. Vhunga munna o wanaho perela khulwane; yo vha i tshi ñivhea, perela khulwane, yo vha i perela khulwanesa, huno a rengisa thukhu dzawe dzothe, uri a kone u renga iyi perela i ñivheaho, khulwane. Ngavhe vha tshi rengisa tshiñwe na tshiñwe tshine vha vha natsho tsha shango, matsheloni ano, u takalelwa havho hothe nga shango.

²⁴⁵ Avha vhasadzi vho dzulaho hafha, Murena, vhanzhi vhavho vho pfaho Mafhungo-madifha a tshi rerwa zwifhinga zwinzhi, huno vha kha di ambuwa henefho ngomu ha shango, huno vha vha na fesheni vhunga shango huno vha ambara vhunga shango, huno vha tshi khou ya zwithu zwine shango, vhe na mukovhe kha zwithu zwa shango huno vha tshi khou ita vhunga shango, nahone vha tshi khou shumisa zwithu zwa shango. Oo Mudzimu, ngavhe vha tshi liwa nga ñtoni, matsheloni ano. Arali hu na fhulufhelo zwaño liñwe-vho khavho, Murena, i rembuluse ñamusi. I ri iyi i vhe awara.

²⁴⁶ Huno avha vhanna hafha, Murena, Oo Mudzimu, ivha na khathutshelo khavho. Vhanzhi vhavho vha kha di tshimbila nnenda kha zwithu zwa shango, vha kha di tama na u ñiphina nga zwithu zwa shango, tshivhi, u daha, u nwa, zwinwiwa zwa matshilisano, halwa vhuñuku nga thungo, kana-kana tshiñwe tshithu tshi no nga tshenetsho, kana vha emula, huno vha fhahea tshifanyiso tshiñuku tshi kungaho, vhasadzi vhaswa vho ambaraho lwa tshika. Huno iyo mivhili ine vha khou i sedza tshiñarañani, huno kañukuñuku vha todou kanda vhatu vha tshi khou todou vha sedza, vha tshi ñivhidza Vhakriste.

Huno zwi ñivheni uri itscho tshivhumbeo tsha uyo muvhili wa musadzi, khamusi nga awara dza fumbiliña, u do vha u tshi khou sina hangei tshaloni, zwilumi na mbungu zwi tshi kokovha nga kha tsinga dzo vhumbeaho na dzo itwaho dza muvhili wawe; huno muya wawe u

hangei vhudzulavhafu ha diabolo, nga ḥwambo wa ndila ye a tshila ngayo. Huno, naho zwo ralo, u do takusela milomo yawe mituku nthha, yo penndwaho, huno a ni ḥavhela mukosi nahone a ni sea.

²⁴⁷ Mudzimu, ivha na khathutshelo kha avho vhathu. Oo Murena, u songo vha litsha vha tshi xela. Ndi humbela uri u vhe na khathutshelo nahone u rumele khathutshelo. Nea muñwe na muñwe wawho, Murena. Ndi Iwe fhedzi ane a nga nea iyi phaṭhutshedzo. Huno arali Wo vha vhidzela kha Vhutshilo Vhu Sa Fheli, ngavhe mbilu dzavho dzi tshi vulea; huno vha vhetshela tshiñwe na tshiñwe thungo matshelomi ano, huno zwenezwo vha do zwi ḥanganedza. Zwi tendele, Khotsi.

²⁴⁸ Huno zwino ngavhe Muya Mukhethwa u tshi dzhena ngomu muñanganoni uyu, u itela vhalwadze na vha thupheah, huno wa tendela vhathu u vhona uri uyu Mulaedza wo rerwaho nga matsheloni ano, uri U Da na tshiñwe na tshiñwe tshi kha vhufhelo, huno na Yesu u khou shuma Tshivhidzoni Tshawe. I ri zwi khunyelele zwa zwino, Murena, uri U kone u dzhia avha vhathu ngomu zwandani Zwau. Huno musi vha tshi vhona Muya Mukhethwa u tshi shuma, u tshi tshimbila vhukati ha vhathu, ngavhe u tshi khwaṭhisiedzwa, Mulaedza we nda rera, uri ri kha tshifhinga tsha vhufhelo. Huno ngavhe vha tshi pfa. Vho pfa, huno ngavhe vha tshi limuwa uri uyo Yesu a sa shanduki, nga ndila ye A zwi ita nga ḫuvha ḫawé, U fhano u khou zwi ita nga kha Tshivhidzo Tshawe nga ḫuvha ḫa u fhedzisela. Huno zwenezwo ngavhe vha tshi ita, nga u nea matshilo avho na mivhili, na dzimbiļu na mimuya, kha Ene. Ndi vha ḫekedza kha Iwe, Murena, Dzinani ḫa Yesu.

²⁴⁹ Zwino, kha tshifhaṭo tshine vhathu vha vha hone, ndo ruma Billy matsheloni ano uri a kovhe garaṭa dza thabelo. O...[Tshikhala kha theiphi—Mudz.]

²⁵⁰ Naa ni a lwalla, ni na thodea? Arali Mudzimu a tshi do nn̄dzumbululela, vhunga O ita kha musadzi tshisimani, huno a mmbudza vhuleme hanu, kana tshiñwe tshithu nga ha inwi, uri ni a zwi ḫivha uri a thi ḫivhi, naa zwi do ni ita uri ni vhe na lutendo lwa u tenda Mudzimu? Naa zwi do ita uri vhañwe vhanu noṭhe ni vhe na lutendo? Naa uyu ndi muñanganoo washu wa u thoma? [Khaladzi u ri, “Hai.”—Mudz.] Oo, no no mmbona, fhedzi nne ndi mutsinda kha inwi. Naa izwo ndi zwone? Zwo luga, ngavhe Murena Mudzimu a tshi tendela khumbelo yañu.

²⁵¹ Zwino, naa ndi zwa vhukuma, kana hai? Yawee, nñenñe! Vhidzelelani vhurereli hanu ho ḫalifhaho. “Baalimu,” ha pfi, “naa u ngafhi?” Eliya kha Thavha ya Karamele, ha pfi, “Naa Baalimu u ngafhi? Ngafhi? Mu karuseni.” A ni tei u karusa

Yesu. O karuwa tshifhinga tshothe. U hone misi tshothe, u a tshila misi yothe, u a kona misi yothe; ha shanduki mulovha, ñamusi, na lini na lini. Amene. Mudzimu u dzula e Mudzimu.

²⁵² Inwi ni a tenda zwauri vhuleme hanu ha mbilu vhu khou yo ni tutshela nahone ni khou yo vha na mutakalo? A ni bvi fhano. Ni humela murahu ngei Lexington huno na vhudza vhathu zwithu zwihiwlwane zwe Murena a ni itela zwone. Ni a vhona?

²⁵³ Zwi pfuka nga n̄ha ha thoho dza vhathu, vhane vha sa zwi p̄fesese na kathihi. Tshivhidzo tshi tshilaho tshi do zhuvhula izwo, nga u ḥavhanya, huno tsha zwi ḫivha uri Vhuhone ha Muya Mukhethwa vhu fhano.

²⁵⁴ Muñwe muthu ngomu hafha murahu o imisa tshanda tshawe. Naa ho vha hu inwi, mufumakadzi? Inwi ni a tenda zwauri Mudzimu a nga mmbudza vhuleme hanu? Wa kale...

²⁵⁵ Mukomana ngei nn̄da vhufheloni, ndi a tenda zwauri o amba, tshifhinganyana tsho fhiraho, hezwo. Inwi ni a tenda, mukomana? [Mukomana u ri, “Ee.”—Mudz.] Inwi ni a ita? Zwenezwo uvho vhuleme ha lukanda vhu do ni tutshela, ni do luga. Naa ni a zwi tenda? Ni a lu ḥanganedza sa lu no khou fhodzwa? Imisani tshanda tshañu, ni tshi ita. Ni a vhona? Uh-huh. Zwo luga. Ndi mutsinda kha n̄ne. Ni a zwi ḫivha hezwo, Pat.

²⁵⁶ Mufumakadzi o sedzaho hangei, a no khou rabela, o ntsedza, a amba zwauri o vha e mutsinda. Inwi ni a tenda uri mutsiko wa malofha u khou yo ni tutshela? Izwo ndi zwone, a si zwone? Imisani tshanda tshañu arali izwo zwi zwone. Zwo luga, ivhani na lutendo kha Mudzimu.

Inwi ni a vhona zwine nda khou amba?

²⁵⁷ Naa zwi hani nga ha vhañwe vha vhoiñwi vhathu vha no nn̄divha? Inwi ni na tshinwe tshithu kha mbilu yanu. Imisani tshanda tshañu. Vhanzhi nga maan̄a vhanu! Ndi nga si zwi kone; U tea u tou da. Inwi ni a ḫivha, ndi lutendo lwanu.

²⁵⁸ Georgie Bruce, ndi a mu vhona o dzula heneffo. Inwi tshifhinga tshothe ni khou lingedza u wana tshiñwe tshithu u itela muñwe muthu, Georgie. No vha no fhodzwa, ni na pfuko. A hu na mbudziso ḥalukanyoni yanu. Duvha line na da kha iyi thaberenakele huno na tshimbila na bva nga uña muñango hangei, Muya Mukhethwa wo da kha n̄ne, huno wa ni vhudza henehaffo iñwe nyito ine a hu na muthu shangoni o i ḫivhaho nga nn̄da ha inwi na Mudzimu na muñwe muthu. Naa izwo ndi zwone? [Tshivhidzo tshi ri, “Amene.”—Mudz.] Izwo ndi zwone. Inwi ni a ntenda, a ni iti, Georgie? Ni na tshiñwe tshithu kha mbilu yanu, Georgie. Ni a tenda zwauri Mudzimu a nga mmbudza tshi re kha mbilu yanu?

Naa itsho tshi do ita vhañwe vhanu nothe, vhathu vha no nn̄divha, uri vha tende? [Tshivhidzo tshi ri, “Amene.”—Mudz.]

²⁵⁹ Ndi ḋivha Georgie, fhedzi ene u khou elekanya nga ha tshiñwe tshithu. U na vhatu vhavhili, vha re kule na hafha, vhane a khou vha rabelela. Vhuvhili havho vha dzula ngei Corydon. Izwo ndi zwone. Huno u na muthu fhano, munna ane ene a khou mu rabelela, a re nn̄da hafha sibadela. Huno inwi ni khou rabela, hu si nga maanda u itela phodzo yawe, fhedzi tshidzo ya myua wawe. Iyo ndi U RALO MURENA. Izwo ndi zwone. Izwo zwone, Georgie? Izwo ndi zwone kokotolo.

²⁶⁰ Muñwe muthu murahurahu hangei o imisa tshanda tshawe, murahurahu ngei murahu, murahu ngomu hafha. Inwi, mini-ha nga ha inwi? Naa ni do imisa tshanda tshañu, ni mutsinda kha nn̄e? Uyu munna o dzulaho hafha o ntsedza, a thi ni ḋivhi. Naa ni a ntenda u vha muporofita wa Mudzimu, mulanda wa Mudzimu? Inwi ni a tenda Muya Mukhethwa, zwe nda amba uri ndi Ngoho? Ni a tenda Iyo? [Mukomana u ri, “Ee.”—Mudz.] Arali ni tshi do tenda, ni na fhe-...itsho ndi tshone tshithu fhedzi tshine na vha natsho, ngauri ni khou tambudzwa nga pfuko. Izwo ndi zwone. A ni bvi kha uno mudi. Ni bva New Albany. Izwo ndi zwone. Huno ni na pfuko. Arali ni tshi do tenda nga mbilu yanu yothe, ni do wana mutakalo. Naa ni do zwi ṭanganedza? Imisani tshanda tshañu. Murena nga a fhaṭutshedzwe.

²⁶¹ Ndi a tenda, uyo musadzi ngeyo nn̄da a re na muñadzi u vhonalaho u mutshena u mona na thoho yawe, mufumakadzi wa mukhaładi, o imisa tshanda tshawe. A thi athu vha na muthu wa mukhaładi. Inwi ni a tenda, mufumakadzi? Zwo luga, mune wanga, tendani nga mbilu yanu yothe. Ni na vhuleme ha mbilu, vhuleme ha thumbuni, zwikondisi. Muñwe muthu o ni disa hafha matsheloni ano. U RALO MURENA. Izwo ndi zwone, a si zwone, mufumakadzi? Arali izwo zwi zwone, dzungudzani itsho sagaduku tshine na vha natsho tshandani tshañu, u itela uri vhatu vha vhone. A thi athu vhona uyo musadzi vhutshiloni hanga.

²⁶² Naa no imisa tshanda tshañu? Naa nn̄e ndi mutsinda kha inwi? Huno inwi ni mutsinda kha nne. Ni a tenda uri Mudzimu u a nndivha, kana Mudzimu u a ni ḋivha? Ni a tenda zwauri A nga mmbudza tshi re kha mbilu yanu? Ni khou rabelela muñwe muthu. Ndi khotsi anu, vha na vhuleme ha mbilu. Izwo ndi zwone. Nahone ni khou ṭoda ndovhedzo ya Muya Mukhethwa. U RALO MURENA.

Arali ni tshi nga tenda!

²⁶³ Mini-ha nga ha mufumakadzi muñuku ane tshanda tshawe tsha vha n̄tha nga iyi ndila, ni a tenda? Vhuleme hanu ndi uvho vhupundu vhu re kha tshanda tshañu. Fhedzi ni khou rabelela muñuhulu. Izwo ndi zwone. Nwana ha nomala. Izwo ndi ngoho. A si zwone, mufumakadzi? Inwi tendani nga mbilu yanu yothe, u itela zwone.

Musi ndo ri, “nwana.” Imani lwa muniti. Oo, khezwo. Murwa waṇu o vha na khombo ya modoro; o holefhala. A thi ni ḋivhi, mufumakadzi, fhedzi izwo ndi ngoho. Arali izwo zwi zwone, imisani tshanḍa tshaṇu.

²⁶⁴ Zwino, ndi Nnyi a re fhano? Naa Ndi nnyi? A si nne. Naa ndi nga ita hani izwo? Ni songo farwa nga tshivhevhe tsha Muya, zwithu zwa Muya. Ndi Mudzimu fhano! Uyo Muya Mukhethwa une na u ḫoda, ni a U tenda zwino? Naa ni a U tenda zwino? Zwo luga, zwenezwo U ḫanganedzeni zwino. Zwino ndi tshifhinga tsha u U ḫanganedza. Tendani nga mbilu yaṇu yothe.

²⁶⁵ Inwi a no lwala kana a re na thodea. A thi koni u fhodza. A hu na muthu a konaho u fhodza. A thi koni u ḫea Muya Mukhethwa. Fhedzi Uyo ane a kona u fhodza nahone a ḫea Muya Mukhethwa, U fhano. Ndi Ene A no zwi ita.

²⁶⁶ Zwino kotamisani zwifhaṇuwo zwaṇu. Inwi tendani zwa zwino, musi ndi tshi ni rabelela na idzi sagaduku.

²⁶⁷ Khotsi ashu wa Ṭaḍulu, u ya nga hune nda ḋivha, ndo fhira kha vhothe vhe vha vha vhe vhatsinda, u ya nga he nda pfa nne muṇwe ndi tshi fhela nungo nahone ndi tshi ḫea; ndo pfa uri itshi ndi tshifhinga khamusi tshe Vhanangiwa vha tshi vhona. Ngavhe muṇwe na muṇwe wavho, Murena, we a vhidzwa nahone a tendelwa u vhidzwa nga Muya Wau; tshinwe tshithu, lutendo lwavho, vho vha vhe na lutendo lwo engedzeaho (vhaṇwe vhavho) u fhira zwe vha elekanya uri vho vha vhe nalwo. Vha tou thoma mbiluni dzavho.

²⁶⁸ Huno musadzi o kwama tshiambaro Tshawe nga tshiṇwe tshifhinga musi A tshi fhira, huno A rembuluwa huno a ri, “Naa ndi nnyi o Nkwamaho?”

Huno vha ri, “Zwo ralo, muṇwe na muṇwe o U kwama.”

²⁶⁹ A ri, “Fhedzi Ndi a vhona zwauri Ndo fhela nungo.” Huno A wana musadzi muṭuku huno a mu vhudza uri u na niombe, huno lutendo lwawe lwo mu fhodza.

²⁷⁰ Huno Bivhili yo amba, zwauri, “U kha ḫi vha Tshifhe Muhulu, ḫamusi, ane a kona u kwamiwa nga vhudipfi ha u shaya nungo hashu.” Luṇwalo lwo amba, “Ha shanduki mulovha, ḫamusi, na lini na lini.” Huno arali A tshi vha a sa shanduki, nahone Tshifhe Muhulu a sa shanduki, U ḫo ita nga ndila i fanaho huno a ita zwi fanaho.

²⁷¹ Huno ngavhe vhatu vha tshi vhona uri Tshividzo tsho dalaho Muya tshi khou ḫa ḫohoni. Kristo u khou ḫodou ḫa huno a dzhia Tshividzo Tshawe. Zwiga Zwawe zwiḥulwane zwa u fhedza, sa zwe zwa vha zwi zwone maduvhani a Sodoma; We a amba, a ḋivha Sarah, huno a zwi ḋivha uri o vha e na musadzi we a vha ḫrinwa Sarah, a zwi ḋivha uri ene o sea

denndeni; A ri, "Itsho tshi ḍo vha tshiga. Musi ni tshi vhona itsho, elelwani, uyo murafho u nga si lovhe u swika zwothe zwi tshi khunyelela." Ngezwi. Ri kha vhufhelo.

²⁷² Tendela, Murena, uri muthu muñwe na muñwe a lwalaho ngomu hafha a zwi ḋivhe zwauri Yesu Kristo a tshilaho u hone. Ngavhe idzi sagaduku dzi tshi fhaṭutshedza kha muvhili u lwalaho muñwe na muñwe une dza ya khawo. Ndi haṭula diabolo, u itela vhathe. Ndi a mu pandela, nga Muya wa Mudzimu, nga lutendo, ndi pandela murunzi muñwe na muñwe wa u timatima. Ngavhe muthu muñwe na muñwe fhano, we a telwa kha Vhutshilo Vhu Sa Fheli, a tshi Vhu ṭanganedza nga ino awara. Ngavhe vhutendadambi vhuñwe na vhunwe, u dzimulea huṭuku huñwe na huñwe, tshithu tshiñwe na tshiñwe tshiṭuku tsha shango, muhwalo muñwe na muñwe muṭuku, vhunga Bivhili yo amba, "Kha ri vhetshelle thungo muhwalo muñwe na muñwe, na tshivhi tshi ri tangaho nga ndila i leluwaho nga maanda; uri ri kone u gidima, ri na vhusifhelembilu, mbambe yo vhewaho phanda hashu; ro sedza" (kha mini? kha tshivhidzo? kha dzangano?) "kha Murangi na Muvuledzi wa lutendo Iwashu," a re fhano zwino, "Yesu Kristo, Murwa wa Mudzimu." No sedza kha Ene We... Rine a ri tei u dzhia maipfi ane ra zwi ḋivha uri izwo ndi ngoho, fhedzi nahoh zwo ralo ayo Maipfi a khou itwa a vhukuma kha rine matsheloni ano. Uyo Yesu a sa shanduki we a fa, ho ngo fa, O vuwa hafhu, nahone nga murahu ha miñwaha ya zwigidi zwivhili U khou disa Tshivhidzo Tshawe thohoni. Muya wa Yudasi u khou shuma vhukati hayho. Fhedzi ngavhe vha tshi vhetshela thungo tshikhukhuliso tshiñwe na tshiñwe na tshiñwe, ino awara, huno vha Mu ṭanganedza.

²⁷³ Ngavhe vha tshi pfa, zwe vha ralo, nga kha therero. Ngavhe vha tshi limuwa zwino zwauri eneo Maipfi e vha a pfa o vphonadzwa, huno who A limuwa, uri Ndi Kristo. Huno ngavhe vha tshi ita zwino, vha tshi ita u ya Ngało: vha Li ṭanganedza, huno vha ima nga milenzhe yavho, vha nea vhūtanzi; nahone vha dzhena ngomu Muvhusoni wa Mudzimu, nga u ḫadzwa Muya Mukhethwa.

²⁷⁴ Ngavhe vhalwadze vha tshi fhodzwa. Ngavhe vha thupheaho vha tshi fhodzwa. Ngavhe lutamo luñwe na luñwe lwa mbilu lu tshi lugiswa. Zwi tendele, Mudzimu Ramaandothe.

²⁷⁵ Zwino zwifhaṭuwo zwanu zwo kotama, mbilu dzañu dzo vulea, itonu ḫineka khalañwaha ya thabelo; fhedzi hu sa athu, ndi a humbuléla, u vha na tshumelo ya ndovhedzo i no khou ḫa, hu sa athu vha na izwi. Hu ḫo vha na iñwe tshumelo madekwana a ḫamusi.

²⁷⁶ Zwino, elelwani, ni songo litsha itsi tshifhinga tshi tshi fhira. Ndo no vha fhano zwino lwa awara mbili na hafu,

kana dzo engedzeaho, ndi tshi khou lingedza u tou dzhia tshifhinga tshanga, huno nda dzhenisa Mafhungo-madifha, huno ndi tshi A vhea ngomu nga ndila yo tou fhelelaho. Zwenezwo ri da heneffo kha vhufhelo. Huno linwalwa lenelo: ipfani, limuwani, itani. Ni songo zwi tendela u pfuka nga nthia ha thoho yanu. No A pfa. Naa ni a limuwa uri Vhuhone Hawe vhu fhano? Naa ni a zwi divha zwauri Ndi Ene a no khou ni vhidza? Zwenezwo itani Ngalo. Mudzimu a vhe na inwi. Ivhani na khalañwaha ya thabelo.

²⁷⁷ Murathu Neville, inwi ni a ða, zwiñukunyana, nga thabelo, arali ni tshi ðo ða ngeno nthia.

Itonu u i takulela nthia.



U PFA, U LIMUWA, U ITA U YA NGA IPFI LA MUDZIMU TSV60-0221
(Hearing, Recognizing, Acting On The Word Of God)

Hoyu Mulaedza nga Mukomana William Marrion Branham, u rangani wo ñewa nga Tshisimane nga matsheloni a Swondaha, Luhuhi 21, 1960, Thaberanakeñen ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfuhifhadzwa nga Tshisimane. Heyi ñhalutshedzo ya Tshivenða yo gandiswa huno ya phaðaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org